

## O PROLOG IN DER ZEHN-UHR-PAUSE

### 0.1 INTRO DER BAND (SONG 01)

Instrumentalversion «Was isch ächt passiert»

*(Die Jugendlichen strömen während der Musik auf den Pausenplatz, unterhalten sich, foppen sich, schubsen sich, zeigen sich SMS oder Aufgaben im Heft.. Noch in Bewegung geht die Musik zu Ende und man hört nun, was sie reden.)*

### 0.2 JUGENDGRUPPE

EDI Läck Katle, gratuliere, gäu!

10 KATRIN Tue doch nid so! *(freut sich aber trotzdem)*

EDI Eh mou, das *isch* ömu öppis *(betont)*: «Klassensprecherin»!

TANJA I gratulieren auso o, gäu! *(kichernd)*

KATRIN Scho guet...

TIMMY Das isch vilicht der Aafang vonere steile politische Karriere!

15 Und am Ändi wirsch de no Bundesrat, hie i däm Kaff wird das fasch jede...

KATRIN Äuwä... *(lacht abweisend)*

DENISE Bundesrätin! Wenn scho, he...!

EDI De haut Bundesrätin...*(leicht genervt zu Denise)*

20 KATRIN So, es längt itz....

TIMMY Nenei, dr Edi het scho rächt, *(will Katle mit übertreiben noch ein wenig mehr ärgern)* eigentlech bisch du itz üse Ober-Chef, dr Superboss sozsäge...

EDI Auso nei, e Frou als Boss, das wär ömu de nüt für mi...

25 KATRIN&DENISE He gäu! – Geit's no?!? –

EDI *(grinst)* Ja..., so ärscht han ig das ja o nid gmeint...

TIMMY Aber eigentlech: – he!! – Eigentlech müesst me das doch fiire!

I meine, wenn öpper Bundesrat wird, macht me ömu o es Mega-Fescht im Dorf...

30 EDI Das isch e Super-Idee! Wir schmeisse e Party für di!

KATRIN Es Fescht? Klar! Chumm, mir gö... *(tut, wie wenn sie weggehen möchte)*

TRIX Hihi, das wär nid schlächt...

ISABELLA *(tussibaft zu Tanja)* Ou! Isch mi Lippestift no guet?

TANJA *(abweisend)* Vergiss es..!

KATRIN *(herausfordernd)* Jä, auso, was isch itz? Gits es Fescht oder nid?!?

TIMMY Klar!

5 JEANETTE Jä aber...

TINA *(verschlafen)* Auso, i wär ou derfür...

EDI 'Derfür sii' längt nid, Tiinli! *(wichtigtuersch)* Es Fescht muess me or-ga-ni-siere, versteisch? Das chunnt nid vo elei, nume we me chli *(macht ihre Stimme nach)* 'derfür isch'...

10 VERA Tue doch nid so doof, si het ja nume gseit...

EDI *(abschätzig zu den andern)*...aber das begrifft die ja glich nid. – Auso: Gömer?

ISABELLA *(erschreckt)* Wohäre?

15 KATRIN *(ironisch)* A ds Fescht, wo dr groooss Edi itz grad äxtra für mi het or-ga-ni-siert! *(Handwegegung)* Schwups, dert isch es, ggesch?

TINA *(verschlafen)* Wo? *(Gelächter der andern)*

TIMMY Läck, sit *dir* vilicht kompliziert...

TRIX Auso i nid, gäu!

### 20 0.3 AUSSENSEITERIN

*(Jana steht während der ganzen Gespräche etwas abseits, beobachtet die Szenen, hört zu, sagt aber nichts. Langsam kommt sie näher..)*

JEANETTE Ja, aber vilicht het d Frou Aebi gar nid so Freud, we mir ir nächschte Stund fähle...

25 EDI *(genervt)* Itz chunsch no du...!

VERA *(kichert)* Hm, die hani scho fasch vergässe..!

JANA Es isch ömu wahr, mir chöi doch nid eifach mitz im Schuelmorge...

30 TIMMY *(aggressiv)* Chumm, verpiss di! Di het niemer gfragt!

TRIX *(giftig)* Gang doch *grad* i ds Lehrerzimmer ga kafele ir Pouse!

ISABELLA *(schnippisch)* Typisch Jana, immer für d Lehrer!

EDI *(maliziös)* Die weiss haut no nid eso, wie's geit hie bi üs, aber das lehrt si de scho no kenne, wart nume...

VERA (*kameradschaftlich, vermittelnd*) Gang doch chli dert übere.  
Mir müesse hie öppis bespräche...

JANA Chani de nid...

TIMMY (*laut*) Verpiss di, hani gseit!

5 VERA I ha dir's gseit, geisch würklech gschider dert übere, süsch...

EDI (*schreit*) Bisch eigentlech schwärhörig?!?

JEANETTE Tue doch nid so aggressiv...

TRIX (*putzt sie runter*) Häb d Schnure! Oder gang doch o grad, wes dir bi üs nid passt!

10 KATRIN So, Rue itze. Schliesslech bin *ig* d Klasesprächeri, u das heisst, dass ig itz öppis säge, jawoll!

TIMMY (*ironisch brav*) Oho!

KATRIN (*zu Tim*) Schwig!  
(*laut zu allen*) So: i schlane vor, dass mir am Samschtig wider mau sone richtigi Party uf d Bei stelle...

15 TRIX (*begeistert*) Geil! E Party! – Das muess i grad schnäu em Pesche säge! (*nimmt das Handy hervor*)

ISABELLA (*tussibaft geschäftig*) Ou! Isch mi Lippestift no guet?

KATRIN (*noch immer laut zu allen*)... nd zwar so nach em Motto: Man muss die Feste feiern...

20 ISABELLA (*bat nicht aufgepasst*) Nach em was?!?

TANJA Nachem Motto, auso Thema...

ISABELLA (*verständnislos*) Chume nid druus...

KATRIN Chani vilich witer mache...?!?

25 EDI Rue, we dr Chef öppis seit!

TIMMY Chefin! (*zwinkert zu Dene*)

DENISE Haha!

KATRIN (*zu Edi*) Schwig itz, gopfertori!

EDI Ups! (*hält sich die Hand auf den Mund*)

30 KATRIN Mir mache auso es Fescht nachem Motto: Man muss die Feste festen wie sie fallen...

DENISE (*beiläufig*) Feiern!

KATRIN Was? (*genervt, weil sie schon wieder unterbrochen wird*)

DENISE Feiern! Es heisst 'feiern'!

35 TANJA (*übertrieben kopfnickend*) Stimmt!

DENISE (*gespielt beiläufig*) Man muss die Feste *feiern* wie sie fallen...

TANJA (*kopfnickend*) Genau.

KATRIN (*verdreht die Augen*) Dir machet mi no wahnsinnig..! De haut 'fei-ern'! – So, sit dir itz zfride?!?

TIMMY Heieie, *si* isch schliesslech dr Chef!

5 EDI Auso, Rue itz!

KATRIN Aus Klasesprächeri ernenneneni dr gross Meischer Edi wäg sire guete Idee zum Chef vo däre Party...

EDI (*erschrickt*) Ig?!?

DENISE Ja du!

10 EDI (*verdattert*) Ehh.. werum ig?!?

KATRIN ...wüu är für sini Superidee doch muess belohnt wärde. Applaus! (*alle klatschen und gröblen*)

TIMMY (*schadenfreudig*) Bravo Edi!

KATRIN Du darfsch auso das Fescht organisiere, i erloubes dir hochoffiziell!

15 TINA (*verschlafen*) Werum muess de grad dr Edi...

VERA Wüu är dr Schönscht isch, fingsch nid o?!

ISABELLA (*bat wieder nicht aufgepasst*) Wär isch di Schönscht?!?

TINA Mou scho...

20 DENISE Logo, gäu, Tina!

TINA Hm... (*wird rot*)

EDI (*giftig*) Ha! Ha! Ha!

TANJA Uups, da ma dr Herr de aber gar ke Gspass verlide...!

DENISE (*zu Tanja*) Hesches o grad gmerkt?

25

## 1 AKT I

### 1.1 PARTY-PLANUNG

EDI Auso. (*räuspert sich und stellt sich auf eine Bank*) Als sozsäge Vizechef...

30 ALLE (*protestieren*) He! – Sicher nid – Äuwä: – Das fählti no. – Di hani ömu nid gwählt, he!

EDI (*relativierend*) De haut: als vom Chef beufreite...

DENISE (*kichernd*) Chefin...

EDI ...als be-uf-trei-te Cheffescht... Feschtscheff...

ISABELLA (*versteht wieder mal gar nichts*) Hä?!  
 TRIX (*stellt sich quasi-helfend vor ihn hin*) Wosch öppis säge?  
 EDI Als 'Fachmann für Festfragen'....  
 TANJA (*ironisch lobend*) Itz isch guet!  
 5 TINA (*verschlafen*) Was isch der Edi?!  
 TANJA Gaga!  
 EDI Rue! Heieiei!! – I tuene itz d Uftrag verteile:  
 Auso: mir bruche öppis zsuffe, öppis zfoode, chli Sound,...  
 und eh... (*mehr fällt ihm nicht ein*) jawoll! – Auso: Wär cha  
 10 was bringe?  
 (*Rube, alle drücken sich herum, murmeln was*)  
 ISABELLA Wo häre bringe?  
 TRIX (*schulmeisterlich*) Dänk a ds Fescht!  
 DENISE Das het si dänk scho verstande. Aber wo isch de das Fescht?  
 15 TRIX Ah ja, genau, das het är ja no gar nid geseit...  
 TANJA (*berablassend*) Wüu er's äbe no gar nid weiss!  
 DENISE (*unterstützt Tanja*) Genau!  
 EDI Klar, weiss i's, he! I bi schliesslech dr Schefffescht.. eh...  
 Feschtscheff  
 20 DENISE (*lacht ihn aus*) Äbe ja!  
 TANJA Säg i ja..!  
 EDI (*fasst sich*) Item: Säget dir itz gschiter, wär was cha bringe,  
 und de chan i nech immer no d Koordinate bekanntgäh, wo  
 dir was müesst abwärfe...  
 25 ISABELLA (*verständnislos*) Was wott er bekannt gä? Dä schnuret itz aber  
 o kompliziert uf einisch...  
 TRIX (*verdreht die Augen*) Är isch äbe itz Chef...  
 TIMMY (*kichert*) Chefin!  
 DENISE (*zu Tim*) Sicher nid!  
 30 TIMMY Ah ja genau, hihih...  
 TANJA ...u Cheffe schnure haut äbe so komisch!  
 DENISE (*abwertend*) Demit me ou merkt, dass si Cheffe si!  
 JANA I chönnt scho zum Bispiu e Chueche bringe...  
 EDI (*bart*) Di hani, gloubi, gar nid gfragt!  
 35 VERA Chumm, muesch ja nid grad so....

TRIX (*überfreundlich-giftig*) Sorry, Jana, aber mir müesse hie grad  
 öppis Wichtigs bespräche... (*will sie wegweisen*)  
 JANA Aber i ha d Katle o zur Klasesprächerin gwählt...  
 ISABELLA (*giftig*) Hie geits aber um öppis angers!  
 5 TIMMY (*laut*) Verpiss di.  
 JEANETTE Werum weit dir de d Jana nid derbii ha? Si isch itz ömu o i  
 üsere Klasse, u de...  
 EDI (*sehr langsam und drohend*)...aber nid i üsere Gruppe,  
 versteisch?  
 10 JEANETTE (*unbeirrt*) Ah, so isch das?  
 TIMMY Ja, so isch das.  
 TRIX (*giftig*) Äntlech tschegget, Frölein Graf?  
 DENISE Frou Graf, seit me hütt!  
 TIMMY Hm! (*genervt zu Deniet*)  
 15 JEANETTE (*herausfordernd*) Und wie, bitte schön, chunt me de i die  
 (*betont*) «Gruppe», we me das grad so darf frage? Werum  
 ghörsch zum Bispiu *du* derzue, Denise, u d Jana nid?  
 DENISE (*ertappt & verlegen*) Ja auso, i bi....  
 JEANETTE ... u du Tina?  
 20 TINA (*verschlafen*) Ig?  
 JEANETTE U du Tänele, Timmy, Isa, Trixle?!? (*Ratlosigkeit, alle drucksen  
 rum, murmeln etwas, beschäftigen sich schnell mit  
 irgendwas*)  
 U du, Katle, was seisch de du da derzue?  
 25 KATRIN Ig?  
 JEANETTE (*insistierend*) Ja du! Du bisch doch dr Klasesprächer, oder?  
 DENISE (*gelangweilt*) Sprächerin!  
 JEANETTE Denn *sprich* doch itz mau dini Meinig klar u dütlech us!  
 KATRIN (*verlegen*) Ja... eh... mir isch das eigentlech glich, das isch ja  
 30 itz em Edi sis Fescht...  
 JEANETTE (*insistierend*) I rede nid vom Fescht, sondern vo dire Meinig!  
 KATRIN (*gleichgültig*) Auso. – (*herausfordernd langsam*) Du wosch  
 auso würklech mini Meinig wüsse?!  
 JEANETTE Genau.  
 35 KATRIN (*selbstsicher, entspannt*) I finge, d Jana het bi üs nüt verlore, si  
 isch ersch sit es paar Wuche bi üs ir Klass...

TRIX (*giftig*) Genau!  
 KATRIN (*wie wemns die normalste Sache der Welt wäre*)...u drum ghört si haut no nid so richtig derzue, das isch doch ganz normau, oder?  
 5 JEANETTE Aber das isch doch no lang ke Grund...  
 TIMMY (*aggressiv*) U de wott si sich bi de Erwachsne immer so iischliime...  
 TRIX (*giftig*) Genau!  
 EDI Arschläcker!  
 10 TIMMY (*grinsend zu Edi*) Arschläckerin!!  
 KATRIN (*rubig un dbestimmt*)...ja, eigentlech ghört si fasch meh zu de Lehrer aus zu üs, oder?  
 JEANETTE Vilicht tüschet dir nech ja o...  
 ISABELLA (*kopfschüttelnd*) Chuum!  
 15 JEANETTE ...u si würd ganz guet zu üs passe, we mir si nume chli besser würde kenne u si üs o.  
 TRIX (*giftig*) Die wott i gar nid kenne.  
 TIMMY (*laut*) Das gloub i nid, dass die zu üs würd passe...  
 EDI (*maliziös*)...das söu die zersch mau bewiise...  
 20 JEANETTE Bewiise? Wie de?  
 1.2 MUTPROBE  
 KATRIN Ja eifach... eh... eifach irgendwie klar zeige, dass si zu üs het, u sich nid immer uf d Site vo de Lehrer stellt u so...  
 EDI (*abschätzig*) Das schafft die nie!  
 25 TANJA Vilicht wott si das ja gar nid.  
 VERA Äh was!  
 TRIX (*egoistisch, herablassend*) Auso, für *mi* brucht die Jana gar nid derbi z sii, i finge s ganz guet eso, wie's isch: ohni d Jana!  
 JEANETTE Ja, *du* scho.  
 30 KATRIN (*herausfordernd*) Säg mau?!? *Hesch* eigentlech öppis gägen üs, he?!?  
 DENISE Das dünt mi scho lang...  
 JEANETTE Nei, werum?  
 ISABELLA Auso, de la doch die Jana Jana sii! Die isch aut gnueg, für sich  
 35 säuber z luege...

TRIX (*böbnisch grinsend*)...oder machet doch dir zwöi für *euch* es Feschli..!  
 JEANETTE Sicher nid, i wott dänk o a das Fescht cho.  
 DENISE Auso, was isch de ds Problem?  
 5 JEANETTE D Jana ghört genau so i üsi Klass wie mir aui o.  
 EDI (*gleichgültig*) Für mi nid!  
 KATRIN Söu si's zerscht mau bewiise.  
 JEANETTE U de wie gnau? Was verlanget dir de vore?  
 TRIX Eifach eh... (*genervt*) äh, du *wosch* es ja nid verstah!  
 10 JEANETTE Mou, so redet doch!  
 DENISE Ja, s'wär ömu würklech guet, we si mau richtig würd zeige, uf welere Site as si steit!  
 EDI E Muetprob sozsäge...  
 ISABELLA Genau!  
 15 TIMMY (*maliziös*) Genau he...! Die söu mau eh...  
 KATRIN So mache mir's: Mir organisiere e Muetprob für d Jana. U de cha si zeige, ob si würklech wott zu üs ghöre oder nid.  
 TANJA (*einräumend zu Jeanette*) Werum nid? Denn het si wenigstens e fairi Chance...  
 20 EDI (*reibt sich die Hände und grinst*) Hähäää! I hätt de da scho e totau coooli Idee! Mir chönnte nämlech...  
 KATRIN (*fährt ihm über den Mund*) Pscht! Muesch itz no nid aues useplappere!  
 TIMMY Sone Löu!  
 25 EDI Säuber Löu!  
 KATRIN (*laut zu den andern*)...isch guet? Mache mir das?  
 ALLE Logo. – Klar. – Sicher – We's muess si.. – Auso, de haut...  
 KATRIN Scha, du geisch d Jana ga frage, ob si zumene chline Teschtlei bereit isch. U wenn nid, deee... (*offene Handbewegung*)  
 30 TRIX (*giftig*)...de het si gha!  
 ISABELLA Genau!  
 1.3 EINVERSTANDEN  
 JEANETTE Hey los mau, Jana, i muess mit dir öppis bespräche. Es isch eso: Die mache ja itz das Fescht, fürd Katle sozsäge, aber di  
 35 wei si nid eifach....

*(Sie geben nach hinten weg, die Band spielt das Intro, während Jeanette Jana erklärt, was der Rest der Klasse vorhat; es ist zu erkennen, dass Jana nicht gerade erfreut, aber dennoch zu einem Eintrittstest in die Gruppe bereit ist.)*

5 1.4 MUESCH VERSTAH (SONG 02)

JEANETTE Muesch verstah, das isch haut ihri Sprach,  
du muesch verstah, s'isch nume n es Spiu,  
I würd gah, das isch bestimmt ke Sach,  
s'isch wie ir Pfa, säg eifach ja,

10 Mach d Ouge zue, u scho glii ghörsch derzue.,

JANA Los mau Scha, i weiss, dasch ihri Sprach  
und i verstah zwar, was du seisch,  
I säge ja, obschon i sone Sach  
nid cha verstah, und du gnau weisch,  
Das isch kes Spiu, hie geit's um z'viu.,

15

JEANETTE & JANA  
Hmm...,hmm...,

JEANETTE Muesch verstah, s'isch nume e chliini Sach,

20 JANA Los, i verstah's haut nid aus Spiu,

JEANETTE & JANA  
Vilicht, ja, git's nach däm Tescht e Sprach,,  
i gloube dra, dass es wird gah,  
Und üs denn cha mache z'verstah,  
mache z'verstah, mache z'verstah...

25

## 2 AKT II

2.1 ENTFÜHRUNG

EDI *(wie ein Einsatzleiter)* Auso loset: Ab-so-lut wichtig isch, dass  
niemer o nume es Wort seit. Isch das klar?

30 Alle *(wie Soldaten)* Klar. – Sicher. – Logo. – Natürlich, he. – Mir  
si ja nid blöd.

EDI Uf mis Zeiche geit's los. *(spielt die Handlung während seinen  
Erklärungen)* I tuene dr Jana dä Sack übere Chopf u dir  
würdet se häbe oder im Notfau ufe Bode schrisse....

35 TINA *(ängstlich)* Cha si de no schnufe?

EDI Sicher.

TIMMY *(zurechtweisend)* Bis itz ruhig und los zue!

TRIX *(giftig)*...süsch weisch de wider nid, was d muesch mache!

EDI Alles muesch ex-trem schnäu ga, dass si ke Chance het, z  
merke, wär si entführt!

5 DENISE *(überrascht)* Entführt?

TANJA Jää, wo häre de?

EDI *(übergibt das Wort)* Katle! *(alle schauen Katle an)*

KATRIN Mir bringe si ine aute Chäuer im Steibruch usse...

VERA Wie hesch de das organisiert?

10 KATRIN Die vom Steibruch ässe aube bi üs im Ochse Zmittag, u de  
hani mau ghört, dass si im Gspass zu mim Vater hei gseit, dä  
Chäuer wär doch no guet für Wii drinn z lagere...

DENISE Jää, i däm Schopf, wo sone aute Trax dernäbe steit?

TIMMY *(in ihrer Art korrigierend)* Bagger! Aber isch ja itz gliich...

15 KATRIN Genau. Kennsch ne?

DENISE Ja nei, de Chäuer nid, nume de Schopf....

EDI ...u dert häre bringe mir äbe d Jana.

TANJA Was hets de i däm Chäuer?

KATRIN Nüt. Mir sine ga aluege: Er isch läär. Aber für Wii geit er nid, er  
isch haut scho grad chli gar abgläge. He jo, wenn mou eine  
iibricht, merkt ja das chuuum öpper!

20 TRIX *(fies kichernd)* Geil, so richtig im Gugus... wie imene  
amerikanische Krimi!!

EDI *(stolz, wichtigtuersch)* Genau!

25 ISABELLA *(tussibaft)* I bi scho ganz nervös. Eigentlech sött me das  
filme... *(streicht sich die Haare zurecht)*

TINA *(ängstlich)* Und dert dörfe mir eifach so iche?

TIMMY *(Macho-Ton)* Meinsch eigentlech, da frage mir öpper?!

EDI Es isch ja nume für churz.

30 TINA Aha...? *(ungläubig)*

TANJA Und wie bringe mir d Jana dert zum Steibruch use? Ömu nid  
mitem Velo, oder?

TRIX Miteme Veloahänger, hihhi! So geil!

EDI Sicher nid!

35 KATRIN *(kichernd)* Viu besser, viu besser...

EDI *(übergibt grossspurig)* Tim.

TIMMY Mi Brüetsch erlediget das für us mit sim Chare...  
 VERA (*sehr überrascht*) Hä?!? Di Brüetsch het es Outo?!?  
 TIMMY (*stolz*) Sicher. Zum 18. Geburi übercho, wüu dr Zug i d Schuel immer so überfüllt isch, (*grinst*) u wüu d Mère nid wott, dass er wider ihre Jaguar nimmt...  
 5 VERA (*beeindruckt*) Nid schlächt.  
 TRIX (*einschmeichelnd interessiert*) Jäää.., was fürnes Outo het er de?  
 TIMMY E füfer-BMW  
 10 ISABELLA (*plötzlich sehr interessiert*) Ou, e BMW? Was für ne Farb?  
 EDI (*unterbricht genervt*) Das isch ja itz gliich! Uf au Fäu macht är für us dr Transport...  
 KATRIN (*blinzeln*) D Entfüerig!  
 EDI (*verwirrt*) ...eh.....ja, d Entfüerig!  
 15 ISABELLA So cool! (*freut sich kindisch*)  
 TANJA U de mir?  
 EDI Was mir?  
 TANJA Mir hei doch nid aui i dim Brüetsch sim Outo Platz...  
 DENISE Ah ja, genau...  
 20 KATRIN Mir gö mitem Velo...  
 TIMMY (*entschuldigend*) Auso *ig* nid, i muess natürlech im Outo drbii sii.  
 EDI (*schnell & überzeugt*) Ig ou.  
 KATRIN Aha, ja, ig ja natürlech o!  
 25 TANJA (*ironisch*) Aha...  
 DENISE Chef isch Chef...! (*Handbewegung 'ist ja klar!'*)  
 ISABELLA (*möchte sich noch einschleimen*) Isch de no e Platz frei?  
 TRIX We'd de wosch heiloufe...  
 ISABELLA (*ertappt*) Aha.  
 30 KATRIN Genau! – Driü vo euch müesse no üsi Velo mitnäh. Schaffet dir das, mit eim Velo fahre und mit eire Hang no eis führe?  
 TRIX / TINA Sicher. – Äuwä scho...  
 EDI (*laut*) Auso: si no Frage?  
 TINA (*ängstlich*) Und wenn us öpper gseht?  
 35 TIMMY De seisch eifach, du sigisch nid do.  
 TINA Hä? (*alle lachen*)

EDI (*laut*) Frage?  
 TINA Nenei.  
 TIMMY De müesse mir us langsam verstecke...  
 DENISE Wenn chunnt si de use?  
 5 ISABELLA Wo use?  
 EDI Am haubi het si ihri Dütschung us, de isch si...  
 TRIX Im NMM-Zimmer?  
 EDI Genau...  
 TRIX De gani dert hingere zu de Veloständer. Vo dert gseht me i erscht Stock ine. I rüeffe de, we si dr Gang fürechund. (*geht ab*)  
 KATRIN Gueti Idee!  
 TIMMY Haut! Gimer no dis Handy!  
 TRIX (*giftig*) Geit's no?!?  
 15 KATRIN Mou, gib ihm's.  
 TRIX (*hart*) Für was?  
 TIMMY Drmit i mim Brüetsch cha alütte. Är wartet bir Bäckerei vore und chunnt de vou Hane hie häre, demit's o ächt tönt...  
 ISABELLA (*kindisch erfreut*) Genial!  
 20 TINA (*ängstlich*) Aber hie ufem Schuelhusplatz isch doch Fahrverbot...  
 TRIX (*hart*) U werum nimmsch de nid dis Handy?  
 TIMMY I ha's äbe ir angere Jagge vergässe.  
 TRIX (*giftig*) U de dr Pager?  
 25 KATRIN (*ungeduldig*) Gopferteli, tue nid kompliziert, u gib ihm itz das Handy, s isch ja nume für füf Minute!  
 EDI I gloube's nid..!  
 TRIX Auso.... (*gibt ihm das Handy missmutig*)  
 TIMMY U dr Pin-Code?  
 30 TRIX (*giftig*) Säg i dir doch nid! (*will sich umdrehen und geben*)  
 EDI Läck, isch die hohl!  
 TRIX (*zu Edi*) Du gäu...  
 TIMMY (*verzweifelt*) Und wie söu i de vilicht...  
 TRIX Chumm, gib. (*nimmt missmutig das Handy, tippt den Code ein und gibt es Tim wieder*)  
 35 TIMMY Äntlech!

- TRIX Aber Sorg ha, gäu!  
 TANJA (*theatralisch*) U süsch überchunsch vo sim Papi es Neus!  
 TIMMY Genau. (*grinst überlegen*)  
 EDI (*im Befehlstön*) Also, aui uf ihri Pöschte!  
 5 TINA (*verschlafen*) Weli Pöschte?  
 EDI (*nimmt sie bei der Hand*) Chumm du grad mit mir, i zeig der de, wo...  
 KATRIN (*grinst*) Itz het si, was si wott...  
 TIMMY (*grinst*) U de erscht är...  
 10 KATRIN Isa, du chunsch hie hinger üs, süsch schreisch emänt no z früech...  
 ISABELLA (*erstaunt*) Ig? i schreie *gar* nid...  
 EDI (*flüsternd schreiend*) So, Rue itze, süsch ghöre mir ja d Trix nid!  
 15 DENISE Genau, he!  
*(Dann geht plötzlich alles sehr schnell: Jana kommt zur Tür heraus, Edi stülpt ihre den Sack über den Kopf, Isa schreit, die anderen zerren Jana zu Boden, Katle zieht ein Seil hervor und gemeinsam wird Jana eingewickelt.*  
 20 2.2 *AUTOFAHRT (CD)*  
*Noch während Tim telefoniert, hört man ein Auto heranrasen. Alle geben mit Jana nach hinten weg, das Auto hört man ebenso geräuschvoll wieder wegfahren und der ganze Spuk ist schon vorbei.*  
 25 2.3 *IM STEINBRUCH*  
 TANJA Hallo, isch aues guet gange?  
 EDI Logo.  
 KATRIN Heit dir üsi Velo?  
 DENISE Sicher.  
 30 TRIX U mis Handy, das hesch eifach mitgnoh!  
 TIMMY Jaaa, ke Panik, es läbt no! (*bält es ans Ohr*) Pudum, pudum, pudum...  
 TRIX arsch. Chumm, gib.  
 TIMMY Hie.  
 35 TINA Isch si itz i däm Chäuer?

- KATRIN Klar.  
 TINA Und wo isch dä...  
 TIMMY (*genervt*) Dert, so lueg doch!  
 TINA Aha.  
 5 DENISE Dert hätti scho lang mau ine wöue...  
 TANJA Für was?  
 DENISE Eifach so zum luege, was dert drinn isch, wüü, d Türe isch drum immer so haub offe gsi...  
 ISABELLA Und itze?  
 10 EDI Was 'und itze'?  
 ISABELLA Ja..., i meine, was passiert itze?  
 TINA Ja, nimmt mi o wunder  
 TIMMY Itz warte mir mau e chli. (*grinst*)  
 TRIX Hähä..., nid schlächt!  
 15 DENISE Wuää..., i bi ja glich froh, bi nid ig i däm Chäuer...  
 TANJA Säg nüt!  
 VERA Jaaaa..., und was mache mir itz witer?  
 KATRIN Auso iig ha dä Chäuer bsorgt...  
 EDI (*maliziös*) I hätt da schon no sones paar Idee...  
 20 TANJA Aber nid öppen öppis us some Brutalo-Video?!  
 EDI Klar!  
 TIMMY (*grinsend*) Werum o nid?  
 TRIX (*fies grinsend*) Es het ja niemer gsei,t dass d Jana dä Tescht unbedingt muess chönne bestah...!  
 25 TIMMY & EDI Hähähähäh...  
 DENISE Dir sit auso scho chli fies...  
 KATRIN Was wär de dini Idee, statt immer nume umezmotze?  
 DENISE Mini?  
 EDI Nei dini.  
 30 DENISE Weiss grad o nid, aber...  
 TIMMY Hani scho dänkt.  
 KATRIN Auso.  
 VERA He! Achtung! Dert chunnt öpper!  
 EDI Alle Mann in Deckung! (*wirft sich zu Boden und robbt hinter einen Busch, Tim bechtet ihm nach; die anderen schütteln die Köpfe über ihr extremes Verhalten und verziehen sich*)  
 35

schnell in verschiedene Verstecke; sie beobachten, was passiert)

2.4 TÜR WIRD GESCHLOSSEN (HS)

Man hört Schritte, zwei gedämpfte Stimmen, dann das quietschende Geräusch einer sich schliessenden schweren Türe, ein Schlüssel, welcher sich in einem schweren Schloss dreht, wieder Schritte, dazwischen ein blechern schepperndes Geräusch, schliesslich Rube. Jemand hat ausgerechnet den Keller, in den Jana gebracht wurde, abgeschlossen.

2.5 MEINUNGEN

ISABELLA O - o! – Das isch itz nid so guet!

TIMMY Dä Penner het doch tatsächlich die Schisstüre abggeschlossen!

TINA Was mache mir itz?

15 EDI (*ganz rubig*) Itz warte mir haut no chli länger...

VERA Hm..., u wie lang de?

KATRIN Sicher nid so lang. Bis itz isch dä Chäuer ömu immer offe gsii, i bi scho hüffig hie im Steibruch gsi...

ISABELLA So?

20 TRIX U mit wäm?

KATRIN Hör doch uf..., eifach so...

TANJA Kennsch de du die Lüt vo däm Steibruch?

KATRIN Scho, ja...

TANJA ...auso..., i meine: weisch de du, wo si dr Schlüssu hei für dä Chäuer?

25 KATRIN Nei, so guet kenn i si nid, nume vom Restaurant am Mittag, u de ghören i haut aube, was si so schnure u so...

TIMMY Itz machet doch nid grad id Hose nume wägere abggeschlossenne Türe..., me chönnt ömu o meine!

30 DENISE Jä, was wosch de mache?

TIMMY Irgendwie geit de das scho..., de gö mir haut Notfalls dür nes Fäischter iche...

EDI ...notfalls o wes zue isch... pchchch! (*Faustschlag*)

KATRIN (*rubig*) Dä Chäuer het es kes Fäischter...

35 TIMMY ...oder irgendwie düre Schopf iche u de d Stäge abe...

KATRIN (*rubig und nachdenklich*) I dä Chäuer chame nume vo usse...

VERA Scheisse.

ISABELLA O - o!

TIMMY Jaaaa..., de muess me haut die Türe irgendwie ufbräche...

5 EDI Genau!

TANJA ...e sone dicki Eiche-Türe wosch *du* ufbräche?!?

TINA Ja, werum nid, dr Bud Spencer tuet ömu...

ISABELLA Hä! Dr Edi u dr Bud Spencer! Sone Vergliich...!!

EDI Du gäu!

10 TRIX Chraftprotz, momou...!

EDI Nei, i meine dänk ds *Schloss* knacke, so mit Drähtli u Stifli u so...

DENISE U das hesch de aues bider?

EDI Jaaa..., itz nid grad, aber das chönnt me ja ga hole im Notfau...

15 DENISE (*ungläubig*) Aha?

VERA I finge, es isch itz Notfau.

TIMMY Äuwä! Itz fah't doch erscht langsam a luschtig wärde...

TRIX Ou! I muess ja ga! I ha ja no Klavierstung am haubi, das hätti itz vou vergässe..!

20 ISABELLA Ja auso, i sött eigentlech o langsam hei...

KATRIN Soso?

ISABELLA Ja ehrlech! Am füfi muess i bim Coiffeur sii....

DENISE Aber itz isch doch erscht haubi drüü!?

ISABELLA ...u de sötti vorhär aber unbedingt no dusche u d Haar wäsche...

25 TANJA Soso...?!

TRIX Auso, tschüss zäme. Hey Dene, gisch mir de es Phone, wie's isch usecho, gäu, nid vergässe!

DENISE Jajajaja, vilicht...

30 VERA Eehm..., i ga o grad mit. Tschüss zäme.

TANJA He? Itz göh die aui?

TINA Ja auso, ig müesst eigentlech....

KATRIN Lass se doch, die chöi mir eh nid bruche...

EDI Hoseschisser!

35 TINA U dir, was machet dir itz?

TIMMY Was heisst da 'dir', du bisch ömu o no hie!



TINA Ah ja...

EDI Guete Morge Tina!

TANJA Nei ehrlech, was mache mir itz eigentlech witer mit dr Jana?

TIMMY Itz warte mir äbe.

5 DENISE U de?

TIMMY Nüt 'u de'. was meinsch, wie's dr Jana itz öppe so geit? (*grinst*)

TANJA Wie meinsch das?

EDI Genial, he!

TINA Hä?!

10 EDI Är meint, dass mir üs itz eigentlech gar nüt me müesse la iifalle für d Jana.

TIMMY Eifach warte. – Die Type vom Steibruch hei nis dr Job sozsäge abgnoh...

KATRIN Nid schlächt...

15 TINA Ja aber...

TIMMY Nüt 'aber', itz müesse mir nume warte u luege wie lang's geit, bis es dr Jana dr Nuggi usehaut, bis si's nümme ushautet. Das isch ja schliesslecht e Tescht, oder?!?

KATRIN Hehehe!

20 EDI Super!

DENISE Jä und de?

EDI Was 'und de'?

TANJA Äbe, was isch de, we si's nümme ushautet?

TINA Vilicht grännet si ja o nume ganz lisli...

25 TIMMY Feigling. De passt si äbe nid zu us, 'Grundanforderungen nicht erfüllt' seit me däm hüttigstags.

TANJA So doof.

KATRIN Fingi ömu guet, oder. Das isch doch nid schlimm, was meinsch?

30 TANJA Ja, das scho nid..., aber nachhär, was passiert de?

KATRIN Wenn nochhär?

TANJA Eh, we si dank de Angscht het, oder we si grännet, oder we....

DENISE ...oder we's Abe isch!

TANJA Ja!

35 TIMMY Nüt. – Denn isch es verbii, fertig. Und je nach däm, ghört si de zu üs oder nid...

EDI I würd säge ehnder nid..!

TANJA Und wie chunnt si de dert wider use?

TINA Dr Edi het doch gseit, är würdi de ds Schloss ufknacke...

DENISE Das gloubsch ja säuber nid, oder?

5 TINA Werum nid?

KATRIN Tina-Schätzli, ganz eifach: Wüu dr Edi nume dr Edi isch, u nid sone richtige Profi wie im Film...

DENISE Du lasch di irgendwie chli la blände dünkts mi...

TINA Äuwä...

10 EDI Chumm, gäu...

KATRIN Jaaa..., das wird sicher nid so wit cho. Und wenn scho, denn isch ja d Jana immer no aut gnue zum Schreie oder so, u de lö sie se wider use...

TANJA Wär de?

15 KATRIN Däich die vom Steibruch...

TANJA Si de das *die* gsi, wo dr Chäuer gschplosse hei?

KATRIN Äuwä scho...

DENISE Du weisch es auso nid...

KATRIN Jaaa...

20 TANJA Hm... (*schüttelt den Kopf*)

KATRIN Jaaaa, itz tüet doch nid so hysterisch, me chönnt o meine...

TIMMY Totau düre, die Chicks...

DENISE Schwig, gäu!

TANJA Auso ig, i wott mit dere Sach de nüt z tüe ha, i finge das itz grad e chli too much...

25 DENISE Säg nüt...

EDI Reg di ab, es chunnt scho guet.

TINA Und was mache mir itz?

TIMMY Läck, itz warte mir haut äbe *no* chli länger, oder...

30 TANJA Hm  
(*für einen Moment ist Rube und jede/r beschäftigt sich mit seinen eigenen Gedanken.*)

DENISE Eigentlech isch d Jana ja gar nid so verruckt schlimm...

TINA Hm... (*zustimmend, nickend*)

35 TIMMY&EDI Hm! (*verächtlich*)

KATRIN Vilicht..., aber mir warte doch eifach hie. Die Type vom Steibruch näh nis ja würklech d Arbeit ab, oder. Sone Tescht hätte mir ömu säuber nid fertigbracht...

TIMMY&EDI Hm! (*zustimmend, nickend*) De chönnte mir doch eigentlech itz hei ga, oder?

5 TINA Hei ga?

KATRIN Ja sicher.

TINA U de d Jana?

KATRIN Die löh mir hie...

10 TIMMY ...u irgendeinisch polteret si de a d Türe, u de chöme die vom Steibruch u löh si wider use...

TANJA U was seit si de dene?

EDI Weiss i o nid.

TANJA Höllepiinlech vilicht..!

15 KATRIN Ja scho, aber ömu nid würklech schlimm, oder?

TANJA Nei, scho nid...

DENISE U die vom Steibruch, si de die immer hie, auso, i meine, ghört si de ou öpper, we si rüeft oder topplet?

TIMMY Da muess si sich de haut scho chli Müe gäh, hihhi...

20 EDI ...isch ja schliesslech e Tescht!

TIMMY Genau.

KATRIN Ja sicher ghört die öpper. Dä teibruch isch jede Tag bis mindischtens am haubi sächsi offe...

DENISE Sogar länger!

25 KATRIN ...und itz isch ömu erscht drüü gsi.

TANJA Hm..  
(*wieder ist für einen Moment Rube, alle beschäftigen sich irgendwie selber*)

KATRIN Auso, gömer?

30 EDI Klar.

TIMMY U süsch chöimer ja de Jana morn immer no ga hole..!

TINA Das fingi auso de chli gemein..!

DENISE Hmm, das meint dä dank nid im Ärscht..!

EDI Scho wider ichegheit, ach die Tina, i liebe si!

35 KATRIN Ah ja!?

EDI Auso...

TIMMY Itz bisch sogar no du ichegheit!  
(*sie gehen weg*)

2.6 ALLEIN IM KELLER

5 *Jana liegt allein in diesem dunklen Kellerloch und weiss nicht so recht, was genau geschehen ist. Zuerst beschliesst sie, einfach still zu sein und zu warten. Sie sitzt nicht sehr bequem, wechselt mehrmals die Position, schliesslich legt sie sich sogar nieder, als wolle sie irgendjemandem demonstrieren, dass sie sich im Keller fast wie zu Hause fühlt. Sprechen tut sie kein Wort.*

10 *Dann, als immer noch nichts von den anderen zu hören ist, beginnt sie zu kichern, immer wieder, wie wenn sie sich selber leise Witze erzählen würde.*

15 *Dann beginnt sie, Namen zu rufen*

JANA Dene? Gäu du bisch hie.

Hm, gar ke schlächti Idee, mit däre Entfüehrig..., e Momänt lang hani würklech fasch gmeint es sig ächt..., aber wär wett mi scho entführe? U werum o..? Ja..., wenn i Timmy Zbinden würd heisse de würd sich's scho lohne..., – gäu Tim! – so zweh, drei Millione würde dini Eltere sicher zahle für di..., si hei's ja o, kes Problem..., aber für mi, wär chönnt scho für mi zahle..., es cha auso gar ke richtigi Entführig si. – Hm, a das heit dir nid dänkt, gäu Edi, das chunnt nid vor haut i dine Videos....

25 *Rube. Jana borcht sehr aufmerksam, dreht immer wieder den Kopf, wie wenn sie etwas gehört hätte. Sie ist der Meinung, dass ihre Mitschüler/innen sie beobachten.*

Läck mir Katle..., i ha gar nid gwüsst, dass du so lang chasch ruhig sii, we das d Aebi wüssti...

30 Trix, hesch dis Handy abgestellt? Weisch, es wär de scho chli piinlech, wes plötzlech würdi lüte, itz, wo sich doch aui soooo Müeh gä, nüt vo sich la z ghöre... —

— Auso, de säget er haut nüt, i ma gwarte...

*Jana dreht sich wieder, wie wenn sie einschlafen wollte...*

35 Wecket mi de, gäu!

...und summt demonstrativ-vergnügt ein Liedchen vor sich  
 hin, unterbricht sich, sucht eine noch bequemere  
 Schlafstellung, und beginnt schliesslich fast ein wenig zu laut  
 regelmässig zu atmen: man soll glauben, sie schlafe...  
 5 Einmal dreht sie sich noch...  
 JANA Läck dis Parfum Isa, das schmöckt me ja sogar hie i däm  
 muffige Chäuer no ganz dütlech..., isch äuwä rächt tüür gsi,  
 he..., aber dr Name verpflichtet haut: Isabella! Isa la bella, das  
 schöne Eisen, Isa la bella...  
 10 ... dreht sich kichernd wieder auf die andere Seite und begint  
 demonstrativ zu schlafen.

### 3 AKT III

#### 3.1 WO BLEIBT JANA? (ISA)

15 ISABELLA (zu Hause an ibrem Schreibtisch, mit der Stimme der Mutter  
 im anderen Zimmer redend) Si, sono qui. —  
 Si, si, sto facendo ancora la matematica, e poi... —  
 Come? —  
 Nono, forse un po' di francese, forse anche domani..., abbiamo  
 un test lunedì... —  
 20 Come? Jana? —  
 Si, era con noi, ma... —  
 Nono, era niente di speciale... —  
 Come? —  
 25 Ma non sona la mamma di Jana, io, ehh! —  
 Si, l'ho vista, come ho già detto, ma... —  
 Si, è andata a casa, come noi... —  
 Bè..., alle quattro e mezzo..., o cinque, no lo so più... —  
 Mamma! Lascia-mi lavorare adesso, per favore, eh'!? —  
 30 Si..... —  
 Si!! (stöbnt genervt, macht sich aber offenbar auch ihre  
 Gedanken...)

#### 3.2 WO BLEIBT JANA? (TINA)

TINA (ein Telefon klingelt, Tina kommt her und nimmt ab)  
 Schwarz. —  
 Grüessech Frou... —  
 5 Nei, hie bin ig, d Tina, Tina Schwarz, ja... —  
 Ah, grüessech Frou Kozina..., itz hanech grad gar nid richtig  
 verscht... —  
 Nei, die isch nid hie, werum? — (wird bleich)  
 Mhm ja... ehm mou, mir si scho zäme.. ehm... —  
 10 Nei, si isch hei..., ausoo, ehm, si isch eifach bis i ds Dorf isch si  
 mit üs...  
 Ja... ja... — (wird rot)  
 Jaaa, chli im Waud obe eifach... —  
 Ja genau, dert bi de Bänkli, genau... —  
 15 Aha? Hm, das isch de komisch... —  
 Nei, i weiss auso o nüt... —  
 Mhm.... mhm....  
 Ade Frou ehm... Kozina. (legt auf, denkt nach...  
 Gopf..!)

#### 20 3.3 WO BLEIBT JANA? (TRIX DRAUSSEN)

TRIX (ibr Handy klingelt gerade, als sie in einen Hamburger  
 beissen will und ihre Händ voll Ketchup und Majonäse sind  
 und sie in der andern Hand einen Becher Cola trägt)  
 25 Tschou Mam, wähh.. u de, was git's?  
 (Pause)  
 Nenei..., es isch nume.. wäh... (ärgert sich über die fettigen,  
 klebrigen Finger, kann das Zeugs nirgendwo hinlegen, das  
 Cola nicht abstellen)  
 30 ...i bi grad hie am öppis foode.. u de hani fasch nid chönne  
 abn...wäh!! – aber itz geit's scho.  
 (Pause)  
 D Jana? Nei, was geit mi d Jana a?!?  
 (Pause)  
 35 Äuwä! Das wär de no ne Sach..! Ig u mit dr Jana furt...! Sicher

nid, auso...  
*(Pause)*  
*(giftig)* Wär het das gseit?!? *(leise zu sich selbst)* Scheisse!  
*(einräumend)* Jaaa, ausooo., mou, mir si scho zäme...,  
 5 ausooo... nid richtig..., wie gseit, aber ehh...  
*(Pause)*  
 Aha? *(erleichtert)* Nei, vo däm weiss i nüt, nei, sicher nid!  
*(Pause)*  
 Nei aber du weisch doch, dass i d Jana nid cha usstah, wieso  
 10 sött i de mit ihre... *(wird offenbar von der Mutter unterbrochen)*  
 Äbe! ... Genau!  
*(Pause)*  
 Ig? Itz bini grad ufem Wäg zur Isa... eh ja zur Vera hani wöue  
 15 säge...  
*(Pause)*  
 Ja, mir wei no zäme Math auso..eh.... si het gseit, si würd mir  
 no öppis zeige..., auso erkläre, meini... ja...  
*(Pause)*  
 20 Ja isch guet. —  
 Nei, die chunnt sicher wider füre, auso, i meine, die isch ömu  
 sicher nid gstohle worde! *(greift sich n den Kopf)* Sicher nid...,  
 me muess doch nid immer grad Angscht ha.. —  
 Isch guet, auso. tschüss. *(hängt auf)*  
 25 Schittt! Gopf nomau, itz isch au-es vou Fett heieie!! Mmm!  
*(argert sich sträflich und putzt mit Taschentüchern und  
 Papierservietten an sich und vor allem am Handy herum; da  
 fällt auch noch das Cola um)*  
 Schitt, Schitt, Schittt! Gopferteli, itz schisst's mi aber grad a im  
 30 Fau! Wä! *(lässt alles liegen und macht sich auf; dabei wählt  
 sie eine Nummer auf dem Handy)*  
 Hallo Katle, hie isch d Trix. Hesch es scho hö... aha —  
 Jaja, hani o dänkt, eifach cool blibe gäu, nume nid ufrege...—  
 Äbe ja genau..., genau, ja...—  
 35 Auso, i sött abhänke, das wird mir süsch z tür. Aber du chasch

di ja mäude, we d öppis Neus weisch, gäu. – Ja klar, jederzit.  
 Isch guet, tschüss.

3.4 *DURST/BEFREIUNG (MONOLOG)*  
 5 JANA *(liegt noch immerzusammengerollt auf dem Boden, scheint  
 wirklich geschlafen zu haben)*  
 Gopf, itz bini aber scho hölle lang hie inne! Was louft ächt da?  
 —  
 Vilicht sött i mi säuber befreie...  
 10 Äs Mässer wär itz guet.  
*(Sie dreht und windet sich, findet einen scharfen  
 Gegenstand, mit dem sie ihre Fesseln aufschneiden kann.  
 Und beginnt den Keller zu mustern, zuerst sitzend, dann  
 umhergebend. Sie untersucht die Türe – chancenlos – findet  
 im Keller verschiedene normale Gegenstände, unter Plachen  
 15 zugedeckt auch eine Unmenge Getränkebarassen; daraus  
 nimmt sie eine Flasche, begutachtet sie, öffnet sie und  
 trinkt zurest zaghaft, dann ziemlich gierig.)*

3.5 *BETRIEBSFERIEN*  
 20 TANJA *(liegt in ihrem Zimmer auf dem Bett und liest ein Buch;  
 plötzlich schaut sie vom Buch auf, schaut ins leere und  
 überlegt...)*  
 Gopf, vilicht ghört ja das gar niemer, we d Jana rüeft u  
 dopplet..., he ja, we die mit Laschtwäge u Trax u Maschine u  
 25 so... —  
 Vilicht chönnt me ja miteme anonyme Telefon die im  
 Steibruch i dä Chäuer schicke..., das wär ja de für d Jana gnue  
 piinlech..., he ja, so aus Tescht u so...—  
 Äch was, die isch sicher scho lang wider deheime... Hm,  
 30 mängisch hani äuwä chli z viu Phantasie...  
*(liest weiter; nach einer Weile unterbricht sie wieder;  
 ruckartig steht sie auf)*  
 Itz lüti glich a, i zäh Minute mache die nämlech Fürabe, u de  
 isch ds ganze Wuchenänd niemer meh dert, u wär weiss...  
 35 *(holt eine Telefonbuch und ein Telefon an einem langen*

*Kabel, setzt sich wieder aufs Bett)*  
 Das merkt ja niemer, dass i das gsi bi, i säge eifach ke Name...  
 So. Unter was isch ächt ä Steibruch im Telefonbuech.....  
 Steibruch..., Schüpach, Spychiger, Stächtli, Steibruch,  
 5 aha hiä... Steibruch Moosbach... voilä...(tippt eine Nummer  
 ein) 45 78.... hmm... (*wartet*) Ja grüessech, loset.... (*sie bricht  
 ab und man hört eine Stimme*)  
 STIMME ...unsere Administration, die Planungsbüros und das Kieswerk  
 in Moosbach sind vom 6. Juli bis zum 21. Juli wegen  
 10 Betriebsferien geschlossen. Wir bitten Sie um Verständnis und  
 hoffen, Sie nach unseren Ferien wieder als unsere Kunden  
 willkommen zu heissen. Danke. (*es ertönt ein Pfeifton*)  
 TANJA Scheisse! We si itz no nid dusse isch, de wird's auso eklig..., o  
 für üs...

15 **3.6 WAS ISCH ÄCHT PASSIERT? (SONG 03)**  
 ISABELLA  
 Was isch ächt passiert, was söu i wüsse wo das 'Meiteli' hi isch?  
 Was isch ächt passiert, das geit mi eigentlech ja aues nüt a.  
 Was isch ächt passiert, das cha doch würklech nid e so schlimm sii.  
 20 Was isch ächt passiert, die söue mi mit däm im Friede lah.

Was isch ächt passiert, die tüe doch eifach nume dramatisiere.  
 Was isch ächt passiert, i huife ne Wett, es isch am Ändi nüt gsi.  
 Was isch ächt passiert, die tüe das nume über-interpretiere.  
 25 Was isch ächt passiert, i mische mi am beschte gar nid erscht ii.

Uuuhhh...

Das isch mir doch gliich, die söue säuber luege wie si das löse.  
 30 Das isch mir doch gliich, i ghöre n eigentlech ja gar nid derzue.  
 Das isch mir doch gliich, es isch sowie so nid mini Idee gsi.  
 Das isch mir doch gliich, ma nümme ghöre, loset, löht mi in Rue.

(*gesprochen*)  
 35 Ja aber eigentlech,... eigentlech...  
 Auso eigentlech..., wenn i mir's itz auso so überlege...  
 Ja aber gliich.... Äch, isch ja gliich...

Was isch ächt passiert, baraba damdam dibadu baiba!  
 40 Was isch ächt passiert, baraba damdaba dibarudau!

Was isch ächt passiert, baraba damdam dibadu baiba!  
 Was isch ächt passiert, baraba dabarada...  
 dabarada... dabarada... barabadaa!

3.7 **ERLÖSUNG (MONOLOG / CD)**  
 5 *Plötzlich sind Schritte zu hören. Ha! Jetzt will Jana aber ihre  
 Kolleginnen auch ein wenig erschrecken! Schnell versteckt  
 sie sich mit ihrer Cola-Flasche hinter den Harassen. Nach  
 einem blechig kratzenden Geräusch nähern sich die Schritte  
 tatsächlich dem Keller, ein Schlüssel wird ins schwere, alte  
 10 Schloss gesteckt und umgedreht. Die Türe jedoch öffnet sich  
 nicht.  
 Dann entfernen sich die Schritte wieder und zwar recht  
 hastig, ein schepperndes Blechgeräusch ist wieder zu hören,  
 dann ist Ruhe.  
 15 Nichts ist passiert, niemand ist gekommen.*

3.8 **MIDAZO-COLA WIRKT AUF JANA (MONOLOG)**  
 Jana kriecht aus ihrem Versteck hervor, trinkt eine Schluck,  
 lauscht aufmerksam in die stille hinein. Als sie hört, dass die  
 Luft rein ist, will sie zur Türe geben, verdreht plötzlich die  
 20 Augen, kippt um und bleibt liegen. Eine weitere Flasche liegt  
 in Scherben neben ihr...

3.9 **VERMISSTMELDUNGEN AM RADIO (CD)**  
 RADIO 1 (*leichte Unterhaltungsmusik, die langsam ausblendet*)  
 Liebe Hörerinnen und Hörer, die Polizei bittet Sie um ihre  
 Mithilfe: Vermisst wird seit heute Nachmittag in Moosbach  
 25 Jana Kozina. Die 14jährige Schülerin war am heutigen freien  
 Nachmittag mit Kolleginnen und Kollegen unterwegs und ist  
 mit ihnen nach Moosbach zurückgekehrt, zu Hause ist sie  
 dann aber nie angekommen.  
 30 Signalement der Vermissten: Jana ist ca. 162 gross, trägt braun  
 gelocktes, halblanges Haar, wahrscheinlich mit einer farbigen  
 Masche auf dem Hinterkopf zusammen gebunden, ein  
 hellblaues T-Shirt und schwarz-graue Jeans. Um den Hals trägt  
 Jana an einem Lederband ein auffälliges Blümchen aus Silber,

am linken Handgelenk ein paar geknüpft, farbige  
Freundschaftsbänder.  
Sachdienliche Hinweise bitte an die Nummer der  
Kantonspolizei Bern oder an den nächsten Polizeiposten.  
5 In zwei Minuten ist es Zeit für die Abendnachrichten, bis dann  
noch ein paar Takte Musik.  
*(leichte Unterhaltungsmusik blendet langsam wieder ein)*  
RADIO 2 *(rockige Musik wechselt auf instrumentale-perkussive und*  
*wird leiser)*  
10 Jaaa, und da chöme mir no zure Vermisstmäudig: Vermisst  
wird z Moosbach sit hütt Namitsch d Jana Kozina. D Jana isch  
hütt mit angerne Giele u Modi ungerwägs gsi u lut Aussage von  
dene o wider umecho, nume: deheime isch si nie acho.  
D Jana isch öppe eis sächzg gross, het bruuni, haublängi Locke  
15 u e farbige Masche uf em Hingerchopf. Si het es hellblaus T-  
Shirt u schwarz-graue Jeans anne und ume Haus es Läderband  
eimiteme uffällige Blüemli us Silber. Um ds lingge Handglänk  
het si es paar gknüpft, farbige Fründschaftsbändeli.  
Sachdienliche Hiiwise bitte a d Nummere vor Kantonspolizei  
20 Bärn oder an jede Polizeiposchte.  
Sowit die Vermisstmäudig. – U wär vermisst dir? Dr Polo  
Hofer vermisst o öpper, u das singt är grad i üsem nächschte  
Song, vilicht ou grad für d Jana... *(Song beginnt)*  
25  
3.10 *TIMS BRUDER FRAGT NACH (MONOLOG)*  
TIMMY *(mit seinem Handy in einem Gartenstuhl am gamen;*  
*plötzlich klingelt es)*  
Ah hoppla, telefoniere cha me ja mit däm Teil o no, hihi..., nid  
30 nume game... *(schaut genau aufs Display)* Aha, mi  
Brüetsch..., gar nid gmerkt, dass dä nid deheim isch..., oder  
macht er ächt irgend sones ab-so-lut witzigs Gspässli?!?  
*(schaut sich um, entdeckt aber nichts, nimmt den Anruf*  
*entgegen)*  
35 Hallo Brüetsch, u de, wo bisch? —  
Hey-ey-ey...!, itz aber mau chli langsam... —

So schrei doch nid so, was isch ömu o los?! —  
Nei, i ha nid Radio... wä! u de scho grad gar nid Radio 47,  
igitt... —  
*(erschrickt)*  
5 Jä nei..! —  
Machsch e Witz? Vor Polizei gsuecht? E Vermisstmäudig?!?  
Ehrlech? Jää... —  
Jä, und wenn isch das cho.... aha.... mhm —  
Nenei, easy he..., si isch mit üs ehm..., auso... si isch mit üs  
10 hei... —  
Jaaa, sicher... —  
Nei, da bruchsch dir ke Sorge z mache, i säge eh nüt vo dir,  
das hei mir doch abgmacht. —  
Jaaa, Ehrewort..., klar... —  
15 Ja isch guet, i mäude mi, wenn i öppis meh weiss. *(hängt auf)*  
Gopfertel! Was isch ächt da los?!? Hmm!! *(genervt)*, das  
schisst vilicht a...!!  
3.11 *NACH DER JUGI*  
*Die beiden verlassen eben nach der Jugi die Turnhalle und*  
*packen ihre Sporttaschen aufs Velo*  
20 TINA Hey Dene?  
DENISE Ja?  
TINA Wosch grad hei, oder...  
DENISE Jaaa..., werum?  
25 TINA Weisch, i muess immer wider a d Jana danke, dört i däm  
Chäuer...  
DENISE *(lacht)* Jä meinsch, die sig no immer dört unde? Sicher nid!  
TINA Das weiss i äbe nid...  
DENISE Ja, ig natürlech o nid...  
30 TINA ...u drum wetti schnäu ga luege. Weisch, eifach  
sicherheitshauber...  
DENISE Das chöi mir scho mache...  
TINA Auso, gömer. *(sie fahren/gehen los, unterwegs reden sie*  
*weiter)*

TINA Weisch, hütt gägen Abe, churz bevor i id Jugi cho bi, het bi üs  
d Frou Kozina aglüte, ob d Jana bi mir sig...

DENISE D Jana? Bi dir?

TINA Ja, das het mi o komisch dünkt.

5 DENISE Da hätt ja o dr Edi nid so Freud dra...

TINA Dr Edi? Werum?

DENISE Ja nume so..., aber he, wenn d Jana *vor* dr Jugi no nid isch  
deheime gsi, heisst ja das, dass si äbe *doch* niemer im  
Steibruch het ghört...

10 TINA Oder si isch z weni lut gsi...

DENISE Chönnt o no sii..., uf au Fäu isch um di Sibne ganz sicher  
niemer meh im Steibruch gsi, wo d Jana hätti chönne uselah.

TINA Genau das hani äbe o dänkt, u drum möchti wenigstens  
schnäu ga luege...

15 DENISE Klar.

TINA ...u vilicht mitere rede oder so, oder de öppis organisiere...

DENISE Organisiere, soso...

TINA Eh ja.

DENISE Du redsch ja scho wie dr Edi..

20 TINA Was hesch itz scho wider vom Edi? Bisch eigentlech verliebt i  
dä?

DENISE Ig? Verliebt i Edi? Sicher nid! Ganz abgseh drvo, dass dä scho  
vergäh isch.

TINA Isch das wahr?

25 DENISE Sicher.

TINA (*unsicher fragend*) Jäää....

DENISE Das darf i dir nid säge...

TINA Hm..

3.12 *WENN I 'S NUME CHÖNNT SÄGE (SONG 04)*

30 TINA Wenn i n'ihm's doch nume chönnt säge,  
wenn i mir dä Mupf chönnti gäh,  
I gloube nämlech s'chönnti fäge,  
Wenn är mi wür i d Arme näh,  
Das cha doch würklech nid so schwär sii!,  
35 Wie verliebe angeri sich?!?,  
A-ber we's mau giengti,  
de bini äbe immer chli z schüüch (2x)

CHOR Wenn si's ihm doch nume chönnt säge,  
wenn si sich dä Mupf chönnti gäh,  
Mir gloube nämlech o s'chönnti fäge,  
Wenn är si wür i d Arme näh,  
5 Das cha doch würklech nid so schwär sii!,  
Wie verliebe angeri sich?!?  
A-ber we's mau giengti,  
de isch si äbe immer chli z schüüch (2x)

TINA Es düecht mi mängisch är müessti's merke  
10 I luege ne ja geng e chli aa,  
E Blick nur würd mi Muet scho stärke,  
Um äntlech z säge, dass i ne maa,  
Drum bliib i immer chli i sir Nächi,  
I gloub' är findt mi nämlech no nätt,  
15 Nu-me we's mau giengti  
de bini doch de gliich e chli z spät,  
  
Nanana....  
Drum bliib i immer chli i sir Nächi,  
20 I gloub' är findt mi nämlech no nätt,  
Nu-me we's mau giengti \_\_\_\_\_  
de bini doch de gliich e chli z spääää! (*Tina geht ab*)

CHOR Es düecht si mängisch är müessti's merke,  
Si luegt ne nämlech geng e chli aa,  
25 E Blick nur würd ihre Muet scho stärke,  
Um äntlech z säge, dass si ne maa,  
Drum bliibt si immer chli i sir Nächi,  
Är findt si nämlech würklech no nätt,  
Nu-me we's mau giengti,  
30 de isch si doch de gliich e chli z spät...!,  
  
3.13 *ENTDECKUNG IM KELLER: OFFEN!*

DENISE Hey, lue mau dert! (*die Tür zum Keller steht offen*)

TINA Puh..., de isch si auso nümme da..., itz bini aber froh.

DENISE Aber deheime isch si ja vilicht gliich no nid?

35 TINA Werum nid? Das isch itz scho meh aus zwe Stung här, sit mir d  
Frou Kozina het aglüte.

DENISE Stimmt. De isch si äuwä use, während däm mir ir Jugi si gsi...

TINA Öppis isch aber gliich komisch...

DENISE Was?

TINA Weisch, d Jugi het ja am haubi Sibni agfänge u d Frou Kozina  
het mir so gäg di viertu ab Sächsi aglüte...

DENISE ...aber im Steibruch schaffe si nume bis am *haubi* Sächsi...

TINA Genau..

5 VERA Hallo zäme. Was machet de *dir* hie?

Tina/DENISE (*überrascht*) Eh hallo. – Tschou, Vera.

VERA Hey, die Türe isch ja offe! Itz bini aber froh!

TINA Mir o!

DENISE Het dir o d Frou Kozina aglüte?

10 VERA Nei, werum? – Dir?

DENISE Nei, dr Tina.

VERA Aha. Und? Wenn isch das öppe gsi?

TINA Grad bevor i i d Jugi bi...

DENISE Öppe am haubi Sibni.

15 VERA Hm.

DENISE Werum bisch de eigentlech du hie?

VERA Wüu i am Radio ghört ha, dass s Jana vermisst wird...

TINA Am Radio!?

DENISE Läck!

20 VERA ...und wüu mi Vater d Suechaktion hie umenang leitet, u de  
het är natürlech sofort o *mi* gfagt, wo mir de aube so häre  
gönge am Nami, und wo mir hütt zum Bispiu...

DENISE (*aufgeregt*) U was hesch ihm gseit?!

VERA Ja., was hani wöue säge...

25 DENISE Aber nid öppe..!?

VERA Nei sicher nid. I han ihm gseit, mir sigen aube dert (*zeigt*) bim  
Waud obe bi de Bänkli...

TINA Läck, dini Närve möcht i ha...

DENISE Und? Het er's gloubt? Polizischte gloube doch nid so schnäu  
irgendöppis...

30 VERA Momou, mir scho. Und öpper anger heig drum genau ds  
Gliche gseid.

TINA Ah ja?

DENISE Glück gha!

35 VERA Itz si si ömu dert im Waud äne mit Hüng am Sueche.

TINA Mit Hüng?! Gopf, aber de isch ja vilicht würklech öppis  
passiert!

VERA Das gloub i nid...

TINA De isch si o *itze* no nid deheim!?! Aber was isch ächt de...

5 DENISE Das isch äuwä eifach e dumme Zuefau...

VERA So, i sött unbedingt wider hei. I ha gseit, i gieng nume schnäu  
öich ga informiere zur Turnhallen abe..

DENISE (*grinsend*) U das hesch ja itz o gmacht!

VERA Genau! Tschüss zäme.

10 TINA Ade.

DENISE Tschüss.  
(*auch Tina und Denise wollen sich auf den Rückweg  
machen*)

TINA Du Dene, gloubst du a Gedankenüberträgig?

15 DENISE Hä?!

TINA Ja isch ja glich...

DENISE Us dir chumi mängisch würklech nid so druus...

TINA Ig o nid...

### 3.14 PAUSENMUSIK (SONG 05)

20 Instrumental-Reprise: «Was isch ächt passiert» (SONG 03)

## 4 AKT IV

### 4.1 PAUSENMUSIK (SONG 06)

Instrumental-Reprise: «Wenn i's nume chönnt säge» (SONG 04)

### 4.2 AM MORGEN FREUT SICH JANA

25 (*Pause auf dem Schulareal, Getuschel, weil eben Jana daher  
kommt*)

JANA Hallo zäme.

Alle Hallo. – Tschou. – Eh halllloo! – Salü. ....

JANA Nid schlächt gsi, die Entfüehrig geschter Nami...!

30 TIMMY Entfüehrig? Was für ne Entfüehrig? Weiss öpper öppis vonere  
Entfüehrig? Weisch du öppis vore Entfüehrig?

EDI Ig? Nei.

TIMMY Du?



KATRIN Sicher nid, i bi dr ganz Nami deheim gsi und ha...

JANA Sogar am Radio bini cho, wäg euch. Merci gäu. Merci. Merci  
(zu jedem einzeln)

TRIX (leise zu Isa) Die macht mi no wahnsinnig..., was meint die eigentlech?!?

5 JANA Isch öppis, Trix? Du gsesch so besorgt us?

TRIX Phh!

ISABELLA Wo bisch eigentlech gsi geschter am Abe, ds haube Dorf het di gsuecht, d Polizei, ds Radio...

10 JANA Ah ja, du bisch ja sicher nid drbi gsi bi däre Entführig...

TIMMY I ghöre immer no 'Entführig' ..!?

EDI (schüttelt auch verständnislos den Kopf)

JANA ...da hätti ja chönne Dräck under dini Fingernägu cho, oder ds Make-Up...

15 ISABELLA Du gäu! – Ou!, isch mi Lippestift no guet?

TANJA Aber säg mau, wo bisch itz eigentlech würklich gsi geschter?

JANA Ig? Ir Stadt chli ga lädele, u de no ine Disco.

DENISE Hä?!?

KATRIN Das gloub i dir nid, das würde dir dini Eltere nie erloube, nie im Läbe!

20 JANA Da hesch du rächt, si bei's o nid erloubt, das isch ja äbe grad ds Problem gsi...!

TINA Werum?

JANA ...wüu i gmeint ha, si chäme erscht nach de Zähne hei, sie si nämlech bi Verwandte z Züri usse gsi..., aber de si sie dummerwiis viu früecher hei cho...

25 ISABELLA O- o-!

JANA ...u hei völ-lig düredreit. Ja nu, itz isches ja verbii... – Auso, isch itz das guet mit däm Fescht hüt am Abe? I bringe doch ke Chueche, drfür spändiereni ds Ztrinke!

30 EDI Ehhm...

KATRIN Momou, das isch scho guet.

TIMMY (leise) Geit's no?!?

KATRIN Edi, hesch du die Sach im Griff mit däm Fescht?

35 EDI Eh..., ja klar, auso.... (begreift nicht, was gespielt wird) ehmm, auso: wär bringt itz no was mit? Los, i lose!

Alle I mache e Chueche. – Ig o. – Chips. – Ig o, Paprika – .....

EDI U dr Sound?

TIMMY Isch O.K., aber Cds müsse aui säuber bringe, nid vergässe!

ISABELLA Und um weli Zit...

5 TANJA Und wo...

EDI So wartet doch! – Auso: Türöffnung vo däre Mega-Fuer isch am Sibni am Waldegge bi de Bänkli. I bitte aui, ihri Fahrzüg in Ornid z parkiere, demit mir nid wider...

ISABELLA Itz schnuret er wider so komisch...

10 TANJA Itz isch er äbe wider (imitierend) Scheffescht... Feschtscheff...

EDI So Rue! – Isch alles klar?

DENISE Jajajaaa...

4.3 JEANNETTE FRAGT NACH

15 (Jeanette nimmt Jana zur Seite, während die andern noch Details des Festes besprechen)

JEANNETTE Du los mau, Jana, stimmt's würklich, was da vorhär hesch verzelt?

JANA Klar, werum sött i öppis verzelle, wo nid wahr isch..?

20 JEANNETTE Phhh, i weiss o nid..., vilicht, demit ehnder drzue ghörsch, oder ehh...

JANA Wo isch ds Problem? I ghöre ja drzue, hesch es ja säuber ghört. Dir heit e Tescht gmacht...

JEANNETTE Auso ig nid!

25 JANA ...e Tescht gmacht, und i ha ne bestande. Voilà. So eifach isch das.

JEANNETTE Ja, das vilicht scho, aber das mit geschter am Abe...

JANA Was isch mit geschter am Abe?

JEANNETTE Du bisch doch sicher nid bis am Abe spät ir Stadt ire Disco gsi?!?

30 JANA Werum ächt nid? Hei nume Schwizer ds Rächt, i däm Land ine Disco z gah?!?

JEANNETTE Nei, so meini das doch überhoupt nid..., nume...

JANA Was isch o mit dir los? Was wosch ghöre? Du bisch so anders aus süsch..

35

JEANETTE Genau das hani itz grad vo dir wöue säge: Du bisch doch gar nid e Disco-Freak, hesch ja söttigi Musig gar nid gärn...

JANA Stimmt, aber einisch im Läbe muess me das doch eifach erläbt ha, oder?

5 JEANETTE Ja, vilicht scho...

JANA Äbe.

JEANETTE Ja nu, item. Wenn d mir irgendöppis wosch verzelle oder wenn dir irgendöppis cha häuffe, de chasch ja immer no...

JANA Itz git's mir aber de grad öppis!! Was hesch du eigentlech ds Gfüu, wär du sigisch, he?!? Mis Mammi?!

10 JEANETTE Nei...

JANA I bi aut gnue, für mir z luege, und uf euchi Hiuf bini grad über-houpt nid agwise, nume demit das klar isch!

JEANETTE *Mir* isch dänk das scho klar, aber di angere...

15 JANA Di angere, di angere..! Du bisch du, und ig bin ig, klar?!? Und überhaupt: Mir wirft me vor, me wüssi nid, uf welere Site das i stieng..., hä! U de du? Ghörsch zu dene dert äne u wosch di glichzeitig aus mini Fründin iischliime!

JEANETTE He! He!

20 JANA Iischliime, genau, du hesch scho richtig ghört! – So, und itz la mi elei, i muess die Formle vor Math no einisch düreluege.

JEANETTE Hm... (*gebt kopfschüttelnd weg*)

4.4 *TRIX' WUT*

TRIX Richtigi Aafänger sit dir, richtigi Aafänger! I gloubes nid!

25 ISABELLA Genau, im Fau!

EDI He! He! He! Mir hei ömu öppis gmacht, oder...

TRIX Öppis gmacht scho, aber was het's gnützt? Lue doch säuber mau!

TIMMY I weiss gar nid, was du für nes Problem hesch?!

30 TRIX Ig? – I ha gar kes Problem, aber mir aui zäme hei es Problem: dert äne steit's, – und hütt am Abe muess i's scho wider aluege a däm Fescht!

KATRIN (*angriffig rubig*) Es het ja niemer gseit, du müessisch unbedingt a mis Fescht cho...

35 EDI Itz hani gmeint, es sigi mis Fescht?

TRIX Geit's dir eigentlech no?!? I söu itz uf das Fescht verzichte, nume wüu die dert o derbi isch?! So wit chunnt's de grad no!!

TANJA Jaaa...

TRIX Gopfertori, was isch eigentlech mit euch aune los, he?!?

5 GESCHTER si mir üs no einig gsi, dass die Jana söu blibe, wo si isch...

DENISE Ja, schoo..

TRIX ....u dass si sich bi aune Lehrer u Erwachsne so beliebt macht mit ihreren Art, das heit ömu dir aui o gfunde, oder?!?

10 VERA Das scho, aber itz isch haut die Sach e chli i d Hose...

TRIX Genau, du seisch es! Gottvergässe i d Hose isch dene Wäschlümpe ihri Super-Entführig..., i gspüre mi nümme..!

EDI He! Meint die *mi* mit Wäschlümpe?!?

TINA Nenei.

15 TIMMY I würd scho säge, oder gsesch du süsch nöime e Wäschlümpe?

TRIX Du bisch im Fau um kes Haar besser, Tim. Vorhär hesch ömu dr Schwanz rächt iizoge...: (*öffnet ihn nach*) 'Entführig, weiss öpper öppis vonere Entführig'? (*stellt sich vor ihn hin*) Feigling! Phh!

20 TIMMY Mues i mir das la biete?

EDI Du *besch* dir's scho la biete, Man!

KATRIN Hey, geit's dir eigentlech no, Trix, hie sone Szene zmache? Das fingeni itz auso ächt drnäbe.

DENISE Ig o.

25 KATRIN Du chasch ja o nume denn d Schnure ufrisse, we de weisch, dass nüt cha passiere. Mir hie hei üs dr *Arsch* ufgrisse, während ds Frölein Mummenthaler angäblech id Klavierstung isch...

EDI Genau!

30 KATRIN ...aber itz chunt si derhär u spilt di grossi Gängschterbrut. Nei auso ehrlech...!

TRIX Arsch ufgrisse, Arsch ufgrisse.. Hä! Wenn i das scho nume ghöre! Chli entführt, miteme frömde Outo mit chicce Lädersitze....

35 TIMMY Wohär weisch du, dass es im Outo vo mim Brüetsch Lädersitze het?

TRIX Das geit di nüt a.  
 ISABELLA Hä?!?  
 TRIX ...denn chli im Steibruch umehocke u warte..., *meh* heit dir ja nid gmacht...  
 5 KATRIN Immerhin.  
 TRIX ...beziehigswiis, nachdäm i gange bi, heit dir *gar nüt me* gmacht, so isch es. Nenei, auso, das sich itz scho chli billig...  
 TANJA Es hätt aber o chönne ganz anders usecho...  
 TRIX Es *isch* ja anders usecho, das macht mi ja äbe grad so sauer!  
 10 Hm, dä hüttig Abe isch äuwä am Arsch, i muess mi für öppis anders umluege...  
 DENISE Nacheme BMW oder so...  
 TRIX (*geht ab und streckt Dene noch die Zunge heraus*)  
 ISABELLA Hä?!  
 15 TINA Wie meinsch das?  
 TANJA Die gseh mir uf au Fäu hütt am Abe, wei mir wette?  
 KATRIN Sicher.  
 EDI Aber dass die mir Wäschlumpe gseit het...  
 DENISE Angeri danke's haut nume...!  
 20 TINA Wär?  
 TIMMY (*grinsend*) I zum Bispui!  
 KATRIN Ja *du* muesch grad öppis säge, grad du!  
 ISABELLA Genau!  
 TIMMY Hey, chöit dir nech eigentlech vorstelle, was bi mir deheime geschter am Abe no abgange isch, he?  
 25 VERA U de vilicht bi mir?!?  
 TIMMY Mi Père het mit i ds Büro zitiert, he, i ds Büro! Das macht er nume, we's extrem hert wird!  
 DENISE Ui, het's tätsch gä?!?  
 30 TIMMY 'Aus Gmeindrat und Verwaltungsratspräsident vor Sims-Chemie müessi usgrächnet *är* zwe Söhn ha, wo schrägi Gschichte dräie, u de no mitz im Dorf...'  
 VERA Werum weiss de dä..?  
 TANJA Het üs äbe gliich öpper zuegluegt ufem Schuelhusplatz..!

TIMMY Är weiss natürlech gar nüt, ausoooo., nid wirklich, was *gsi* isch, nume dass i mit mim Brüetsch i eim Garacho düer ds Dorf gfare sigi...  
 KATRIN Ja, u de?  
 5 TIMMY U de heisst's natürlech sofort, 'Zbindes chöi tue wie si wei, anger Lüt hätte scho lang e Buess' u so..., und das hasst mit Vater wie Gift.  
 VERA Genau wie mine.  
 EDI Me isch aber o nid d Tochter vome Polizischt!  
 10 VERA Wäh!  
 TIMMY ...u de het är natürlech de ganz Abe müesse de Medie Uskunft gä wäg dere Suechaktion vo däm Modi...  
 EDI Wo? I weiss vo nüt.  
 TIMMY Hm, i weiss no itz nid gnau, öb er's würklech gfrässe het, dass  
 15 üsi rasanti Fahrt nüt mit däm vermisste Modi z tüe het...  
 KATRIN (*grinsend*) Het si ja o nid oder?!  
 ISABELLA Genau, stimmt ja! D Jana isch ja erscht viü später vermisst worde...  
 TIMMY Ja weisch, bi mim Père, da weisch nie so gnau, was dä dänkt u  
 20 weiss..., isch schliesslech si Job, nid geng aues grad z säge...  
 TANJA Aus Gmeindrat oder aus Verwaltungsratspräsident?  
 DENISE Äuwä beides..  
 TIMMY ...drum würd's mi nid verwundere, wenn er scho lang aues genau wüssti, u nume nüt seit...  
 25 TINA Aber werum de?  
 TIMMY Hm!, du kennsch mi Père nid!!  
 ISABELLA Wie isch eigentlech d Jana zu däm Chäuer us cho?  
 EDI Weiss i doch nid.  
 TANJA Vilicht het e schöne Ritter miteme BMW...  
 30 TIMMY Chumm, spinn nid!  
 ISABELLA Hä?!  
 TINA Mir si nach dr Jugl no schnäu ga luege...  
 EDI Ah ja?!? Wär mir?  
 DENISE Tina und ig...  
 35 TINA Er Jana ihri Mueter het mir drum aglüte am Sibni...  
 KATRIN Aber denn isch si äuwä scho lang nüm dert gsi oder?

DENISE Nei.  
 KATRIN Dr Steibruch tuet nämlech am...  
 TANJA ...am haubi Sächsi zue, das wüsse mir.  
 KATRIN He jo..  
 5 TANJA ...usserdem het dr Steibruch itz für zweh Wuche Betriebsferie?  
 DENISE Isch aber nid wahr!?  
 TANJA Sicher.  
 KATRIN Wohär weisch de du das?  
 TANJA Eh... eifach...  
 10 TIMMY Nei, säg?  
 TANJA I ha geschter am Abe no schnäu aglüte, zum sicher si..., eh jaa...  
 TIMMY Aha!  
 TANJA ...aber de isch nume es Bändli cho, und eh... ja äbe...  
 15 EDI Heieiei die Froue...,  
 TINA Hä?  
 EDI ...di einte gö ga luege, di angere telefoniere...  
 TIMMY ...u aui hei e Gag i de Hose!  
 EDI Genau!  
 20 KATRIN Itz tüet doch nid so, das isch ömu nid so schlimm, oder..., es hätt ja chönne sii, dass...  
 DENISE We si aber *vor* de haube Sächse vo eim vom Steibruchwär useglah worde, wär si doch sicher bis nach de Sächse deheim gsi oder?  
 25 EDI Aber nid, we si no ine Disco isch!  
 TANJA Hä!, das mit dr Disco, das gloubsch ja nid würklech, oder?  
 EDI Werum nid?  
 TINA Ja, werum?  
 TANJA Irgendöppis... (*nachdenklich*), irgendöppis geit hie uf au Fäu  
 30 no nid uf...  
 DENISE D Jana isch o irgendwie anders..., viu sicherer, cooler...  
 EDI Fasch wien ig!  
 ISABELLA Jajaja, du bisch unschlagbar!  
 TINA Stimmt.

KATRIN I gloube, *mir* si vor auem chli anders aus süsch, chli uftreit oder so..., das chunnt de scho wider normau..., itz mache mir zerscht mau mis Fescht?  
 EDI Wäm sis Fescht?  
 5 KATRIN Pardon, monsieur, natürlech ds Fescht vom Feschtscheff... Scheffescht... (*Gelächter*)  
  
 4.5 *ES FESCHT (SONG 07)*  
 KATRIN Pack di Food i d Täsche, nimm e Fläsche und dis Velo und denn ab, wüu es isch nämlech gli scho Zyt,  
 10 Aui dini Fründe chömen o, i weiss es sicher, und zum Waldrand bi de Bänkli isch's nid wit. CDs nid vergässe, wüu vom Food hesch no nid gfrässe, erscht chli Musig bringt dä Abe richtig z'gah, Üse Meischer Edi organisiert so dass es jedi, hütt a däm Abe richtig zfride dörfti ha.  
  
 15 Jä, so nes Fescht isch e Fuer, da spanisch ab, housch über d Schnuer, Chasch di eifach chli la gah, und di Stress deheime lah,  
 20 Ja, so nes säuber 'boutnigs Fescht, das steit u faut doch mit de Gescht, Hey, chumm doch o, du sparsch viu Gäüt, u hesch gliich ds Beschte vo dr Wäääüt!,  
  
 25 Vo hingerfüre, drüberiche, änenumme chöme mir zum Platz am Waldrand, dert wo's Bänkli het, Vo änefüre, ungerufe, zwüschendüre chömen aui häre wiu's e Mega-Party git.  
 30 Vo hingerfüre, drüberiche, änenumme chöme mir, u langsam füllt sich d Szene mit de Gescht., Vo änefüre, ungerufe, zwüschendüre chöme mir, u fiire aui zäme a däm Fescht.,  
  
 4.6 *NIMMT JANA TABLETTEN?*  
 35 TANJA Hey, i bi im Fau höllefroh, dass d Jana eifach wider hie isch.  
 TINA Mhm!  
 TANJA I bi ja zwar nid grad Fan vore..., aber geschter am Abe hani mi irgendwie uf grad gar nüt me chönne konzentriere, solange...

VERA Säg nüt..! I ha immer Schiss gha, dass mi Vater mir plötzlech  
aamerkt, dass irgendöppis isch. Dä het drum irgendwie e Nase  
für so Züg...

TINA E richtige Polizeihund!

5 TANJA (*überrascht über das Witzchen*) Heee!?!  
TINA (*erschrocken über sich selbst*) Ou, sorry! (*wird rot*)  
VERA Kes Problem!  
TANJA Si het nid emau gmerkt, dass si e Witz gmacht het..!  
TINA Du gäu!

10 DENISE Was mi eifach komisch dünkt, isch, wie d Jana uf einisch isch...  
TINA Werum?  
DENISE Hm, i weiss o nid..., bis itz isch si doch immer so (*nachäffend*)  
'brav gsi u nätt'..., fasch chli z schüüch, chönnt me säge..  
TANJA Fasch isch guet...!

15 VERA Das isch eigentlech wahr, si isch aube viü zügghaltender gsi.  
DENISE Jaja, das o, aber vori isch si mir sogar richtig cool vorcho, so...  
so überläge...  
TANJA (*ungläubig*) Überläge?!?  
VERA Fasch chli erwachse irgendwie...

20 DENISE Jä nei!  
TINA I ha nüt gmerkt.  
TANJA Das gloube mir dir!  
DENISE Irgendwie fasch, wie we si betrunke wär...  
TANJA Sicher nid!

25 DENISE ...oder wie we sie chrank wär oder irgend e Tablette hätti  
gno...  
TANJA Ja, und wenn scho...  
DENISE Wie meinsch das?  
VERA Jesses, meinsch, si heig sich geschter i däm Chäuer erchäutet?

30 TANJA Jaa..., das vilicht o...  
DENISE Oder was hesch de gmeint?  
TANJA He ja, was wär de da scho derbi?  
VERA Bi was?  
TANJA Bi Tablette.

35 TINA Hä?

TANJA Es git ömu viü, wo Tablette näme, demit si zum Bispiu nid so  
nervös si oder so...

VERA Spinnisch?!?  
TINA Ehrlech?

5 TANJA Sicher, u de no meh weder as me meint...  
TINA Ig ömu nid...  
VERA Jä, du meinsch, d Jana müessi Tablette näh, demit si's i üsere  
Klass no ushautet, oder...?

TANJA Müesse? Werum müesse? So öppis macht me dank freiwillig,  
10 demit's eim eifach besser geit...  
VERA I finge's gliich chli komisch.  
TANJA Äuwä, das isch, wie wenn di Vater würd erfahre, dass er im  
Lotto gwunne het oder so: de würd er vilicht o grad es  
Schnaps nä ufen erscht Schreck abe...

15 VERA Schreck?  
TINA Das isch ömu nid s Gliiche...  
TANJA Werum de nid?  
VERA Stimmt eignetlech...  
TANJA ...abgseh drvo: i würd's sogar begriffte, we d Jana sich viü z  
nervös fühlte oder unsicher...

20 TINA Stimmt.  
VERA Ja scho...  
TANJA ....mir geit's aube grad glich, so voreme Vorsinge ir Musigstung  
zum Bispiu...  
25 VERA Chumm itze..!  
TANJA Sicher! Was hesch de du gmeint, wien i das süsch würd  
schaffe? Das isch sone Mega-Stress für mi, im Fau!  
TINA ..aber du mit dire Stimm...  
VERA Jaaa, aber de nimmsch ömu nid grad e Tablette...  
30 TINA ...oder es Schnaps!  
TANJA Sicher scho,....  
VERA Was?  
TANJA Übrigens het doch das nüt mit mire Stimm z tüe..., aber das  
isch ja itz gliich....  
35 VERA Was?!? Du?!?  
TINA Hä?!?

VERA I gloube's nid...!  
 TANJA Dene, du seisch eso nüt meh...  
 DENISE Ig?  
 TANJA ...isch irgendöppis?  
 5 DENISE Ehh..., nenei, i ha nume grad öppis eh... überleit, aber eh...,  
 s'isch nüt Wichtigs.  
 TANJA Aha.

4.7 JANA ERZÄHLT DENISE

10 DENISE Hallo.  
 JANA Hallo. – Was wosch?  
 DENISE I ha nume wöue frage, öb's schlimm sig gsi geschter, weisch,  
 irgendwie isch's mir de nämlech plötzlech nüm so ganz  
 wohl gsi bi däre Sach...  
 15 JANA Äuwä, das isch doch aues nid so schlimm gsi!  
 DENISE Ehrlech?  
 JANA Nei, sicher. (*lacht kurz auf*) S'dünkt mi fasch, es sig am Ändi  
 für euch fasch schlimmer usecho weder für mi.  
 DENISE Ah ja?  
 20 JANA Ja sicher! I stirbe ömu nid grad, wenn i mau chli ime Chäuer  
 muess warte...!, was meinsch de du...  
 DENISE Ja, das scho nid, aber eh...  
 JANA Scho guet, Dene.  
 DENISE Hm... (*Rube– Denise bietet Jana von ibrem Znüni an, sie*  
 25 *essen*)  
 (*nach einer Weile*) Wie beisch eigentlech use cho, us däm  
 Chäuer?  
 JANA (*lächelt*) Dür d Türe dänk, wie de süsch?!  
 DENISE Aha. – Jääää..., und eh... wär het de die uftah?  
 30 JANA Du bisch nid schlächt! Dir däich! – Oder nid?  
 DENISE Auso i nid...  
 JANA (*ungläubig*) Chumm itze..! Ph..., de haut süsch irgendöpper. I  
 ha ja nüt gseh, u ine cho isch o niemer...  
 DENISE Ah so?  
 35 JANA ...nume vo usse ufgschplosse het öpper, u de isch er wider  
 abghoue.

DENISE Ajah ?(*erstaunt*)  
 JANA Eh, isch ja itz glich. Uf au Fäu isch es würklech nid so schlimm  
 gsi.  
 DENISE Aha. – – Und eh..., wie hesch di de befreit.  
 5 JANA Ganz eifach: I ha am Bode es Schärbi gfunde und mit däm  
 hani de chönne ds Seili düreschnide. Fasch hätt mir no d  
 Schlagadere ufgschnitte (*kichert*) Lue hie!  
 DENISE Es Schärbi? Jää...  
 JANA ...und de isch äbe plötzlech öpper cho de Chäuer  
 10 ufgschplisse.  
 DENISE Auso, vo üs cha das niemer gsi sii...  
 JANA (*doch wieder überlegen verächtlich grinsend*) Nid?!  
 DENISE Nei. Wüü eh..., mir *bei* gar ke Schlüssu für dä Chäuer..  
 JANA Hä?!  
 15 DENISE Wenn i säge!  
 JANA Jää?!?  
 DENISE Das isch äben e Panne gsi, dass plötzlech öpper isch cho  
 gschplisse...  
 JANA Dir sit o nid schläacht, dir..!  
 20 DENISE U de du ächt? Du bisch ja de ömu o nid grad hei?  
 JANA Sicher nid! De bin i's no chli ga gniesse!  
 DENISE Wie meinsch das?  
 JANA Eh, wien i's verzeit ha: Chli i d Stadt ga lädele, s'isch ja  
 Abeerchouf gsi geschter, u de no i ne Disco. (*grinst*)  
 25 DENISE Und das isch würklech wahr?  
 JANA Gopf, werum gloubt mir eigentlech nie öpper öppis?!?  
 DENISE Eh mou, i gloube dir's scho, aber...  
 JANE Äuwä, du gloubsch es äbe glich nid!  
 DENISE Es isch eifach..., es passt irgendwie gar nid zu dir...  
 30 JANA Hä! Wohär wosch du wüsse, was zu mir passt?!? Wohär wott  
*überhaupt* öpper wüsse, was zu mir passt?!? Dir heit ja no gar  
 nie öppis *wöue* wüsse vo mir...!!  
 DENISE Ja, vilicht scho, aber...  
 JANA Vilicht, vilicht! ...und itz tüet dir so extrem überrascht, hm!  
 35 DENISE Eh ja, s'isch vilicht scho so...(*nachdenklich*)  
 JANA Ganz *genau* eso isch es, im Fau!! –

4.8 *WERUM GLOUBT MIR NIEMER (SONG 08)*

JANA Hmm..., hmm...,  
Werum glaubt mir niemer nume es Wort?  
Werum wei die aui nüt vo mir?

5 I ghöre hie doch zu där' Klass, zu däm Ort,  
für mi Pass chan i doch nüt derfür.  
Ja, si hätte mi gärn wie früecher aapasst u duuch,  
aber das wär denn bestimmt o wider nid rächt,  
Hm, i ha e Mega-Wuet i mim Buuch,  
vor so viu Falschheit wird's eim würklech fascht schlächt..!

10 JEANETTE Irgendwie isch die Jana nüm glich,  
isch so ruhig und git sich unschlagbar.  
Irgendwie isch si doch gar nümme sich,  
stellt sich cool und überläge dar.

15 Erscht no geschter hätti das zu ihre nid passt,  
und itz git si sich grad wie ne Gieu e so lut,  
S'isch, als hätt si sich irgendwo en Überzug gfasst,  
aber glich isch si nid so richtig wohl i där' Hut.,

JANA Hmm..., hmm...,

20 Ja, i wett, es wär itz grad scho übermorn gsi,  
ja, i wett, die Party wär verbii.  
Mit däm Cola bin i äbe glich numme mi,  
cha nüm d Jana so wie d Jana sii...

4.9 *TANJAS TABLETTEN*

25 TINA Du, Tänele?

TANJA Ja, was isch?

TINA I ha... ehmmm

TANJA Ja?

TINA Mi het das auso scho no so komisch dünkt, wo d da verzellt  
hesch...

30 TANJA Was? Das ir Musigstung, vom Beethoven und em D.J Bobo?

TINA Neeei, nid das. Das vo de Tablette...

TANJA Ah das...

TINA Das gloub i dir im Fau fasch nid...

35 TANJA De gloubsch es haut nid....

TINA Mou, scho, aber.... es passt irgendwie gar nid zu dir...

TANJA Ah ja? Und was würd de *besser* zu mir passe?

TINA Jaa, weiss o nid...

TANJA Äääh, das isch doch nid so schlimm, dabruhsch dir itz ömu  
keni Sorge z mache...

TINA Das scho nid...

TANJA ...i bi ja nid süchtig! (*lacht*)

5 TINA (*lacht auch*) Jaja...

TANJA Keep cool.

TINA Aber eh..., wohär hesch de die Tablette? Chame de die eifach  
so choufe?

TANJA Neeei!

10 TINA Jää...?

VERA Da muesch äüä es Rezäpt ha, vomene n Arzt.

TINA Ah so. (*denkt kurz nach*) – Und eh..., welen Arzt het de dir...

TANJA (*lacht*) Gar kene...

TINA Jää...?

15 TANJA ...i nime die Tablette ganz eifach bi mim Vater usem  
Spieguschäftli. Voilà! – Si Dokter het ihm die mau gä wägem  
Härz oder so...

TINA Dim Vater?!? Aber...

TANJA ...kei Angscht, (*lacht*) däm geit's tiptop!

20 TINA Ja äbe!

TANJA Scho, aber früecher, won er no im Gmeinrat isch gsi, da het er  
fasch vor jedere Sitzig eini müesse näh...

VERA Di Vater?

TANJA Ja, är cha sich haut eifach furchbar ufrege mängisch, u de faht  
er höllen afa zittere u cha chuum meh richtig rede...,

25 TINA Hm...

TANJA ...aber äbe: däm cha men ja abhäufe, kes Problem!

TINA Hm..., das hätt i glich nie dänkt vo dir...

TANJA I nime se ja o nume ganz säute....

30 VERA Aber vorhär hesch doch gseit, vor jedem Vorsinge.

TANJA Jaaa, das hani eifach so gseit..., abgseh drvo: es git im Fau viu,  
wo's mache wien ig, oder äbe no viu extremer, u regumässig.

TINA Bisch de sicher?

VERA Stimmt, das hani mau im Fernseh gseh...

35 TINA Ehrlech?

TANJA I hiuffen e Wett, dass i nid di Einzig bi i üsere Klass!

TINA Äuwä?!  
 TANJA Sicher. U bi viune si's d Eltere, wo wei, dass si Medis näme.  
 VERA Das isch ja eigentlech fasch wie Droge...  
 TANJA Droge..?. (*verächtlich*) Äuwä, das macht doch nüt. Stell dir o  
 5 vor! Das dörfte doch die gar nid verchoufe, und ou d Ärzt...  
 TINA Jaaa, i weiss nid so rächt, auso...  
 TANJA Isch ja itz gliich...  
 TINA Hm... (*denkt nach, immer noch erstaunt*)  
 TANJA Aber eh., dir müesst's de ja nid grad ga umeverzelle, wüu  
 10 eh..., mi Vater weiss drum von nüt.  
 TINA Aha?  
 VERA Ke Angscht.  
 TANJA Merci.  
 TINA Scho guet.  
 15 **4.10 TABLETLI (SONG 09)**  
 TANJA Möchtisch du wie d Tina überlägner sii?  
 U nid geng aus verpasse oder zittere derbii?  
 Nimm doch es Tablettli und scho bisch du bi de Lüt,  
 wiu's vo dene mit Chemie im Bluet e Huuffe git.  
 20 Ja, i wette, we me die, wo öppis intus hei,  
 würdi farbig überstriche, gäbs es rächts Gholei,  
 Wüu üsi Wäut, die wär de farbig wie no nie u das wär schön,  
 Wo d grad häreluegsch gsesch wie im Zirkus nume Glöön!  
 25 Hesch du dir mau überleit, werum i dire Klass,  
 dert dr Köbu däwä gruiget her? Es isch zwar krass,  
 Aber Köbu het uf Rat vom Dokter Schöni sit em März,  
 jede Morge drei so Chapsle z'guet, es isch ke Scherz.  
 Und so chunnt's, dass Köbu plötzlech nümme Köbu isch,  
 30 höcklet, wi'd das früecher nie hesch gse, ganz brav a sim Tisch,  
 Aus isch zfride, Eltere, Lehrer und das het e simple Grund:  
 Wiu die Lösig vo aune Lösige am billigschte chunnt.  
 35 Dr Herr Dokter, d Frou Diräkter, Mönsche mit Format,  
 hei im Sack grad näb em Handy geng es Truckli parat,  
 He ja, me weiss ja, was ime sone Läbe cha passiere,  
 und es wäri furchtbar schlimm, weme mau nid würdi  
 funktioniere,  
 40 Notfautröpfli, Schmärztablette, Betablockersaft,  
 Tranquilizer, Activizer, öppis no für d Chraft,

Jede Päppu, jedes Ching het zwar chli Pharmaglück im Sack  
 U de gliich no e Bemerkig gäg das Drögelerpack!  
 5 Üsi Wäut, das isch doch klar, isch nie so heilig gsi,  
 statt Energizer Kaffe, u statt Tranquilizer Wii,  
 Mir ir Schwiz hei, u das isch dr Pharmabranche ihre Lohn,  
 ou bim Drögele di absoluti Diskretion.  
 I schlah vor, mir mache hie grad itz es Coming-Out,  
 näme ds Truckli usem Sack u zeige's muetig dr Wäut.  
 10 Und itz schüttle mir das Truckli singe, lueget eso:  
 Jupi, jupi s'isch ja nid so schlimm, dr anger nimmt o!  
**4.11 ENTDECKUNG IM KELLER**  
 VERA Itz wei mir doch mau luege, ob hie nid...  
 ISABELLA Jaja, gang nume!  
 15 VERA Jä was isch itz? Chunsch nid mit?  
 ISABELLA Ig? Dert i dä Chäuer abe? Sicher nid!  
 VERA Aber du hesch doch gseit...  
 ISABELLA Uf gar ke Fau, chum ig i dä Chäuer. Basta. – Aber i blibe hie  
 und passen uf...  
 20 VERA Hä?! Ufpasse?!? (*lacht*) Was meinsch de ämu o, was chönni  
 passiere?  
 ISABELLA Jäää, me weiss nie, me weiss nie...  
 VERA Hm..., he auso. (*geht zur Kellertür und untersucht das  
 Schloss*)  
 25 ISABELLA Und?  
 VERA Chasch ja cho luege, we's di interessiert...  
 ISABELLA Nei säg doch, wie gseht's us?  
 VERA Auso hie isch itz grad es Mega-Ggschpängst...  
 ISABELLA Hmmm! Tue doch nid so blöd!  
 30 VERA O-o!  
 ISABELLA Was?  
 VERA S Schloss...  
 ISABELLA Ja? Und was isch mitem Schloss?  
 VERA Chumm doch cho luege..!  
 35 ISABELLA Sicher nid! Ke Schritt machen ig dert abe, i dä Dräck, z-z-z!  
 VERA ...das isch ömu nid ufbroche worde...  
 ISABELLA Ph, das hani dänk scho gwüst!



VERA Ah ja? Werum de?  
 ISABELLA Ganz eifach: Wüu d Jana het gseit es sigi ufgschplosse worde!  
 VERA Aha? – Ja, stimmt.  
 ISABELLA Ggesch!  
 5 VERA Aber es chönnt ja o sii, dass d Jana...  
 DENISE Hallo!  
 ISABELLA (*völlig überrumpelt*) Eh...! Ha..hallo!  
 TINA Tschou.  
 ISABELLA Vera! Bsuech isch da! Ggesch, isch äbe doch guet, wenn öpper  
 10 hie blibt und ufpasst!  
 VERA Het itz ömu viu gnützt...  
 DENISE Was machet de dir hie?  
 ISABELLA Jaa..., d Vera het unbedingt no wöue...  
 VERA He ja, mi het's eifach komisch dünkt, dass öpper die Türe het  
 15 ufta, churz nachdäm er si het gschplosse...  
 TINA So churz ja o wider nid...  
 DENISE Genau..  
 TINA U de isch ja gar niemer meh ir Gruebe gsi um die Zit,  
 DENISE ...ömu niemer, wo nes Telefon hätti abgnoh...  
 20 TINA ...die hei ja denn scho Betriebsferie gha, oder?  
 VERA Genau.  
 DENISE Und, wie gseht's us, das Schloss, Frou Polizischt?  
 VERA lue mau: es isch uf au Fäu no ganz, ke Spur vo Gwalt oder  
 so...  
 25 ISABELLA Eh loset..., bruchet dir mi no..?  
 DENISE Het di je öpper brucht?!?  
 ISABELLA I rede nid mit dir!  
 VERA Nenei..  
 ISABELLA U süsch cha ja itz d Tina für mi ufpasser?  
 30 TINA Uf was ufpasser?  
 VERA Jaja, scho guet.  
 DENISE (*ironisch*) Muesch äuwä scho gah, süsch verpassisch dr Zug...  
 ISABELLA Nei, aber i sött würklech dringend...  
 VERA Scho guet...  
 35 DENISE ...oder dr BMW..!  
 ISABELLA Bis doch ruhig. Bisch ja nume niidisch!

DENISE Niidisch? Ig? Uf was?  
 TINA Ja, nimmt mi o wunder?  
 ISABELLA Äh nüt. – Auso, ade zäme!  
 TINA Tschou.  
 5 DENISE Soone Verluscht..., ph!  
 VERA Ehh, lah se doch.  
 DENISE Hm. – Und was isch *im* Chäuer? Hesch dert scho nachegluegt?  
 VERA Was nachegluegt?  
 DENISE Ja..., eifach...  
 10 VERA Nei...  
 DENISE (*betritt zielstrebig den Keller*) Eh lueg itz mau da...  
 VERA Läck mir!  
 TINA Was isch das?  
 VERA Wäm ghört ächt das?  
 15 TINA Dänk dene vom Steibruch!  
 DENISE Da wär i no nid so sicher. (*zieht eine der Flaschen aus einer Harasse*).  
 VERA Werum nid? Itz im Summer...  
 DENISE So vii? Sicher nid!  
 20 TINA Was isch es?  
 DENISE Midazo-Cola.  
 TINA Wie?  
 DENISE Eh lueg doch: Midazo-Cola.  
 TINA No nie ghört...  
 25 VERA Läck, da isch ja aues vou...  
 TINA Gib mau (*nimmt die Flasche, öffnet sie, riecht daran und nimmt einen Schluck. Denise will sie noch daran bindern, aber Tina spielt die Mutige*) Mou...  
 VERA Wie isch es?  
 30 TINA Nid schlächt, wie Coci...  
 DENISE Midazo-Cola., hm..., komische Name..., u dr ganz Chäuer vou..., hie o no, u hie unger däre Plache (*zieht eine Plache beiseite*) hie grad o no...  
 VERA Du, Tina, wenn hesch eigentlech du hütt Stalldiensch?  
 35 TINA Werum, was isch für Zit?  
 VERA Füfi gsi.

TINA Ou! De muess i ga. Chömet dir o grad, oder...?  
 DENISE Nenei, gang nume, i wott mir das no chli gnauer aluege...  
 TINA He auso, i chume de no schnäu zu dir übere, bevor i vom Stall heigah, isch guet?  
 5 DENISE Jaja, u süsch gseh mir üs ja de am Fescht  
 TINA Ah ja genau! – Auso, ade zäme! (*geht hastig ab*)  
 VERA Läck mir, da isch ja würklech aues vou...  
 DENISE Säg nüt!  
 VERA Dass die dä Chäuer nid abgschpliesse?  
 10 DENISE Wär 'die'?  
 VERA Jaa, dene, wo das Züg hie ghört.  
 DENISE Hm..., u d Jana isch so komisch gsi hütt...(*schaut nochmals die Flasche an*)  
 VERA Hä? Was het de das mit däm z tüe?  
 15 DENISE I weiss es o nid... Chumm, mir gö.  
 VERA Wart, i wott no einisch das Schloss aluege.  
 DENISE Was suechsch de no, Frou...  
 VERA Hm... (*betrachtet das Schloss ganz genau*)  
 DENISE Und? Wosch eigentlech iibräche hie?  
 20 VERA Iibräche? Du bisch nid schlächt! Es isch ja scho offe!  
 DENISE Vilicht sött ja das nid so sii...  
 VERA Was meinsch?  
 DENISE Nüt, nüt. – U itze: was gsesch?  
 VERA Das Schloss chasch uf au Fäu nid eifach so mit Drähtli oder  
 25 mit irgend eme Schrubenzieherli ufmache, das säg i dir auso...!  
 DENISE Ah ja? Und eh...?  
 VERA Irgendöpper het hie mitem Schlüssu wider ufgschplosse.  
 Jawohl!  
 DENISE He ja, het d Jana ja gseit!  
 30 VERA Das geit aber gliich nid uf.  
 DENISE Was?  
 VERA Werum würd me e Chäuer mit so viu zTrinke drinn eifach offe lah?  
 DENISE Si hei ne ja gschplosse.  
 35 VERA Wär?  
 DENISE Weiss i nid.

VERA Äbe.  
 DENISE Hm... (*denkt angestrengt nach*)  
 VERA Und? (*erwartungsvoll*)  
 DENISE Aha: aber itz isch er offe, und zwar scho di ganz Nacht u der  
 5 ganz Tag, u geng no....!!  
 VERA Itz hesch es tchsegget!  
 DENISE Das isch würklech komisch...  
 VERA Es git eigentlech nume ei sinnvolli Erklärig..  
 DENISE Und weli?  
 10 VERA Eehh! So überleg doch mau, Frou Polizischt!  
 DENISE Ha!-ha!-ha!....  
 VERA Und? (*abwartend, auf dass Denise endlich begreife*)  
 DENISE Hm, dä wo gschplosse het, isch nid dr Gliich wie dä, wo ufgschplosse het.  
 15 VERA Bingo.  
 DENISE U das isch aues uf däm Schloss dert gstange!?!  
 VERA Ha!-ha!-ha! – Chumm, mir gö.  
 DENISE Hm...(*nachdenklich ab*)  
 4.12 VERDACHT  
 20 DENISE Mir geit eifach die Jana nimm usem Chopf...  
 VERA D Jana, werum?  
 DENISE Wüu si so anders gsi isch, hütt..., so to-tau anders...  
 VERA Hm  
 DENISE ...so cool, u de die Gschicht mit dr Disco..  
 25 VERA Jä meinsch, die sig würklech i däre Disco gsi?  
 DENISE Sicher nid, da hiuf i e Wett!  
 VERA Aber vilicht hätt si ja dert irgendwie Extasy übercho vo irgendöpperem, oder süsch irgendöppis...  
 DENISE ...zum Biispiu Tablette...  
 30 VERA Ja, vilicht nid grad...  
 DENISE Werum nid? Frag doch mau di Vater. Wenn het d Polizei di letschi grossi Kontrolle gmacht are Party oder so?  
 VERA Das meini ja grad: Tablette si a Partys out, si finge nüt meh...  
 DENISE Vilicht sueche si ja no nid so super guet...  
 35 VERA He gäu..!

DENISE Ja sorry, aber das si ja o nume Mönsche...

VERA Genau. – Aber si hei im Fau würklech es Problem im Momänt, si wüsse, dass irgendwie Droge müsse umesii, aber verwütsche tüe si ir Letschti nie meh eine, wo viu bi sich het...

5 DENISE Aha?

VERA ...u wenn, de vilicht chli Hasch oder irgendwie ganz normali Schmärtztablette oder so..., das geit irgendwie nid uf...

DENISE ...bi dene vor Polizei o nid.

VERA Wie meinsch das?

10 DENISE Mir mache e Gschpässli, sperre d'Jana ine Chäuer, u chuuum chunnt si dert wider use isch si – Blupp! – e ganz angere Mönsch...

VERA Vilicht hätt i däm Fau gschider dr Chäuer chli gnauer agluegt, statt das doofe Schloss, gopf!

15 DENISE Vilicht...

VERA Wei mir no einisch zrüg?

DENISE Werum? Was würdsch ga sueche?

VERA Vilicht si i däm Chäuer ja irgendwie Droge versteckt, Tablette oder so...

20 DENISE U de wär dä Chäuer eifach so offe?

VERA Das wär er ja äbe eigentlech nid.

DENISE Stimmt o wider.

VERA Äbe!

DENISE Aber i gloube gliich nid, dass mir öppis Neus würde finde.

25 VERA Werum nid?

DENISE Wüu me nid imene Chäuer, öppis versteckt, wo me so guet gseht, we me härechunt u wider geit. Es sig de, me isch sich sire Sach ganz sicher...

VERA Wie meinsch das?

30 DENISE (*zieht eine Flasche Midazo-Cola aus ibrem Rucksack*) I gloube, mit däm Cola hie isch öppis fuul...

VERA Läck, du hesch e Fläsche mitgnoh...!?

DENISE Logisch! (*altklug & schulmeisterlich*) Itz mach i deheim e chemischi Analyse vo däm Züg, u de....

35 VERA (*lacht schallend*) Sorry, aber eh... chasch du das?!?

DENISE Hm, weiss o nid, probiere chan i's ja, oder...

VERA Klar, probiere scho!

DENISE ...oder hesch e besseri Idee?!?

VERA Jaaa...

DENISE Ja?

5 VERA Vilicht würd ja d Polizei die Fläsche no so gärn analysiere...

DENISE Hey, spinsch eigentlech?!?

VERA Werum?

DENISE Auso – nüt gäg di Vater – aber mit dr Polizei wott i de nüt z tüe ha im Fau, isch das klar? Und wehe, du seisch ihm...

10 VERA Oooh, chumm, so blöd bin i dänk o nid! Oder het öppe d Polizei dä *Chäuer* dürsuecht, nachdäm d Jana isch vermisst gmäudet worde, he?!?

DENISE Nei...

VERA Äbe! Dert *äne* am Waud hei si mit de Hüng aues absuecht, und weisch o, werum?

15 DENISE Jaaa, wüu du dim Vater...

VERA Genau! – Auso?

DENISE Was 'auso'?

VERA Chasch mir die Fläsche gä. Die schmuggli de scho irgendwie i ds Büro vo mim Père, wart nume...

20 DENISE Jä und de?

VERA De wird si analysiert uf hundert , o denn, we nume Wasser drinn isch...

DENISE Ah ja?

25 VERA Klar. 'Verdächtige Flasche'..., es chönnt ja es Attentat si, oder?

DENISE (*lacht*) Hä, es Attentat ufe Polizischt Etter vom KaPo-Poschte Moosbach, hihhi...! Sone Chabis!

VERA So chumm he! Chasch dini Analyse ja grad säuber mache oder.

DENISE Nenei, scho guet....– Ou! D Tina het ja scho us däre Fläsche trunke...!

30 VERA De chasch ja ga luege, öb si o so komisch isch wie d Jana...

DENISE Hm... – Aber eh..., wenn meinsch de, dass mir wüsse, was oder besser gseit öb öppis drinn sig oder so?

VERA Wenn's würklech öppis isch, geit das extrem schnäu, zwe drei Stung, uf au Fäu nid meh...

35 DENISE Läck mir!

VERA Da stuunsch he! Itz darfsch mir doch Frou Polizischt säge.  
DENISE Itz wotti aber nümm. – So, i muess no hei ga dusche u so...

VERA Bis später.

5

## 5 AKT V

### 5.1 INTERMEZZO (SONG 10)

Instrumental-Reprise: «Es Fescht» (SONG 07)

### 10 5.2 DIE PARTY

*(An der Waldecke ist etwas los: Aus einem Ghetto-Blaster dröhnt Musik, auf ein paar Kisten stehen verschiedene Snacks, Kuchen, Plasticbecher und eine ganze Reihe Getränkeflachsen, darunter auch Midazo-Cola.*

15 *Man steht rum schwatzt, blödeln bewegt sich, jedermann hat eine Flasche in der Hand, auffälligerweise alle Midazo-Cola, Trix und Isa tanzen mit Tim und Edi ziemlich weggetreten um den Blaster herum.*

*Katle begibt sich zum Getränkestand.*

20 JANA U de? Wie finget dir das Midazo-Cola?

EDI Momou...

ISABELLA Geil, würklech!

TRIX Jaja, es geit...

TANJA Das han i vorhär no nie gha, es het sone Guu nach....

25 TIMMY Nach Coci!

EDI Genau!

KATRIN Vilicht isch ja ou gar nüt anders drinn...

ISABELLA Nei, es isch scho chli anders, irgendwie wie.... eifach geil!

JANA Das isch äbe *das* neue Szenegetränk, schiint's, i kenne's o no  
30 nid lang.

JEANETTE Wohär hesch es de?

KATRIN Ömu ir Landi hei si's nid

JANA No nid!

KATRIN Meinsch?

JEANETTE Nei säg, wohär hesch es, oder wie bisch überhoupt uf d Idee  
cho, das mitzbringe...

JANA Eifach... – Geschter ir Disco hei das fasch aui trunke...

TINA De isch si äbe gliich ir Disco gsi!

5 DENISE Das gloubsch ja säuber nid!

EDI Ir Disco? Welere Disco?

JANA I ha's doch verzellt, geschter nach dr Entfüerig...

TIMMY Weli Entfüerig, Edi?

EDI Ha! ha!

10 JANA ...bini äbe no i d Stadt ga lädele, u de no id Disco...

TANJA Soso, u dert trinkt me das Dings da, das Midazo-Cola?

JANA Genau.

ISABELLA Cool.

JEANETTE Aha, und wie hesch es de itz bsorgt, wo berchunt mer's?

15 JANA Das darf i no nid säge.

TIMMY Hä?!?

KATRIN Werum ächt de nid?

TANJA Ja, nimmt mi wunder..

JANA Wüu's äbe no ganz neu isch, fasch chli gheim sozsäge, eifach  
20 nume so richtig ir Szene isch es bekannt.

ISABELLA De si *mir* itz auso d Szene?!? Geil!

TRIX Vergiss es.

ISABELLA Werum de nid?

TANJA Bisch ömu o hie.

25 TRIX Phh!

### 5.3 DER DRINK WIRKT

DENISE He, hesch eigentlech ke angeri Musik, nume immer das  
Bumbum-Züg?

TINA Genau.

30 EDI Bitte: I bi nid dr D.J., nume dr Organisator...

KATRIN Schefffescht....

TINA ...Feschtscheff!

EDI Ha! ha!

ISABELLA Wart, i wüu de...(legt eine Kuschel-CD ein)

35 EDI Momou, itz fäut nume no...

KATRIN ...d Tina!  
 TINA Hä?  
 TIMMY Sicher nid. Itz fäut nume no...  
 EDI Öppis echli für dri, i das Cola, gäu, so chli öppis...*(grinst)*  
 5 TIMMY Genau.  
 KATRIN Ou ja, es Bayleys wär itz guet...  
 EDI Oder chli Whisky oder so...  
 TINA Chasch süsch vo mir e chli...*(zieht einen kleinen Whisky-Flachmann aus der Tasche)*  
 10 TANJA Tina?!?  
 TIMMY Boahah! Nid schlächt!  
 JEANETTE Ha, e Frou list im Ma dr Wunsch vo de Lippen ab..., sooo schön!  
 EDI Wä!  
 15 ISABELLA Hör doch uf!  
 TIMMY Chumm gib mau! He, da muess i fasch e Bächer ha...*(nimmt die Flasche, giesst sich von beidem ein)*  
 KATRIN Ig o!  
 EDI Sicher nid...  
 20 TANJA ...das isch nume füren Edi u für d Tina!  
 TINA Werum?  
 TIMMY Sicher nid! Chumm gib!  
 DENISE I weiss de nid...  
 KATRIN Hesch Schiss, oder was? *(setzt sich wie die anderen hin, man verteilt Becher und Tinas Flasche macht die Runde)*  
 25 DENISE Nei, aber..  
 KATRIN Du weisch ja gar nid wie's isch. Probier doch zersch Mau, das isch nämlech höllefein!  
 EDI Stimmt! *(trinkt genüsslich)*  
 30 TIMMY Hm, mit Rivella isch es natürlech o nid s Gliiche...  
 TANJA Trinksch du nid vo däm Cola?  
 DENISE Hm, i finge's nid so guet...  
 Isa Sportler trinken halt Rivella!  
 TRIX Das wüsst i de, im Fau!  
 35 EDI Gottlob bin i unsportlech! *(schon ziemlich matt)*  
 KATRIN Wo isch überhoupt d Vera?

TIMMY Die het no e Polizei-lisatz, schnüfschnüfschnüf...  
 KATRIN Löu!  
 DENISE Ja, si sött eigentlech scho lang hie sii...  
 EDI I gloube, i penne mau e Rundi, bis die chunnt...  
 5 KATRIN Läck, bisch o so müed?  
 TIMMY Säg nüt!  
 TANJA Das heit dir itz vo däm Alk!  
 JEANETTE Ja du muesch grad öppis säge, du gsesch o nid grad früsch us, im Fau...  
 10 ISABELLA Das isch so cool...  
 TRIX Was het's ächt i däm Cola, es macht eim so zfride u ruhig...  
 JEANETTE Sogar di...  
*(Inzwischen sind alle ruhiger geworden, sitzen oder liegen, aneinandergelehnt oder übereinander liegend dösen sie weg. Aus dem Gbetto Blaster tönt noch immer Kuschelrock. Tina hat ihre Flasche wieder zurückerobert und trinkt Ex in gierigen Zügen, alle lachen und feuern sie an, sie siebt sich als Siegerin und Edi legt seinen Arm um sie...)*  
 15 DENISE Ja, was het's ächt i däm Cola..? *(schaut Jana an)*  
 20 JANA Öööhh., weiss i doch nid... *(errötet und verstummt)*  
 DENISE Zeig mau dini Fläsche..  
 JANA Werum?  
 DENISE Chumm, zeig mau!  
 JANA Ehh, das isch dank ds Gliiche...  
 25 DENISE *(nimmt ihr die Flasche ab, riecht daran, dann an ihrer Midazo-Cola-Flasche, dann wieder an Janas)*  
 Uf ke Fau isch das ds Gliiche, Jana!  
 JANA Aber...  
 DENISE Üs gisch Midazo-Cola, u du trinksch... irgendöppis...!  
 30 JANA Jaaaa...  
 DENISE Chumm emau mit. *(sie entfernen sich ein paar Schritte von der Gruppe)*  
 Itz verzeu doch mau, was hie los isch, da stimmt doch öppis nid, oder. Irgendöppis stimmt doch eifach nid o mit dir, gopfertori!  
 35

- JANA *(beginnt zu weinen und schluchzen; Jeanette hat die ganze Szene ziemlich nüchtern beobachtet und begibt sich zu Jana, um sie zu trösten)*
- 5.4 CHEMISCHE ANALYSE
- 5 VERA *(ausser Atem)* He, Dene, chumm mau!  
 DENISE Vera! *(springt auf und rennt zu ihr hin)*  
 VERA *(kann noch immer kaum reden, zeigt Denise nur ein zerknittertes Papier)*  
 DENISE Was isch das?  
 10 VERA Lis!  
 DENISE Öööh..., chume nid drus..., was isch das?  
 VERA Labor-Bricht!  
 DENISE Läck! Wie hesch de dä...  
 VERA Mi Vater isch grad ufem WC gsi, wo dr Fax isch inecho...  
 15 DENISE So guet!  
 VERA ...u de hani ne ufem Fax grad schnäu chönne kopiere...  
 DENISE Genial!  
 DENISE Scho guet, scho guet, aber eh... was bedüte au die Zahle u Uusdrück...  
 20 VERA Das hani äbe dänkt, chönntsch du mir de säge...  
 DENISE Hm... Dormicum..., nid schlächt!  
 VERA Was isch das?  
 JEANETTE Es Medikamänt, es Beruhigigsmittu, aber rezätpflichtig, das isch im Fau höllestarch...  
 25 DENISE Werum weisch du das?  
 JEANETTE I ha's mau ime sone Psychofilm gseh, dert hei si imene Heim de ganz krasse Fäu Dormicum gä, die si de richtig zueknallt gsi...  
 DENISE Äbe! *(zeigt auf die anderen)*  
 30 VERA Läck mir!! Si die aui wäg?!? Krass auso..!!  
 JEANETTE ...aber nid schädlech, ömu nid, we's würklech Dormicum isch., das geit verbii...  
 VERA Aha?  
 DENISE *(liest immer noch im Bericht)* Scheisse!  
 35 VERA Was isch?!  
 DENISE Scheisse, im Fau!

- VERA So red doch!!  
 DENISE Hie: '...kann in Kombination mit Alkohol zu Atemlähmungen führen...'  
 JEANETTE Tina! *(rennt zu ihr hin)*  
 5 JANA *(schreit auf und rennt ebenfalls zu Tina)* Tina, he, Tina!  
 VERA Tina?!?  
 DENISE D Tina het Whisky mitbracht.  
 VERA D Tina?!? Das gloub i nid. Wohär sött de die Whisky ha?  
 DENISE Das isch ja gliich...: het si no Puls, schnuufet si no?!?  
 10 VERA ...ihri Eltere trinke ja gar ke Alkohol..!  
 DENISE Hm... *(rennt zu Tina, nimmt ihr die Flasche und riecht daran; dann bricht sie in schallendes Lachen aus)*  
 VERA Was isch? Spinnsch?  
 DENISE *(kann sich fast nicht erholen)*  
 15 VERA Säg mau, bisch bsoffe oder was?!  
 DENISE *(kichernd)* Schmöck mau!  
 JEANETTE *(rieht an der Flasche)* Hm...  
 VERA *(rieht auch)* Schwarztee!  
 DENISE Genau! *(lacht wieder)*  
 20 VERA Aber werum de?  
 DENISE Füren Edi u so...  
 VERA U di angere..?  
 JEANETTE ...hei natürlech nüt gemerkt, nume fein hei si's gfunge, 'höllefein'...!  
 25 VERA Schwein gha!  
 DENISE Säg o nüt!  
 JEANETTE Vor auem für di Jana hätt's chönne böis Oug ga..!  
 JANA Hm..
- 5.5 FLASCHEN ENTSORGEN
- 30 VERA Itz müessen mir aber unbedingt die Fläsche vo hie wäg bringe, wenn nämlech öpper erfahrt, dass mir hie...  
 DENISE Auso, de tüe mir si doch eifach wider zrüg i Chäuer...  
 JANA Geit nid, dä isch gschplose.  
 VERA Itz wider?!?  
 35 JANA Ja.

JEANETTE Aber wie hesch de du..

JANA I ha die zwe Harasse geschter Znacht im Gebüsch versteckt,

DENISE We me nume wüsst, wär für dä Chäuer e Schlüssu het...

EDI (*schlaftrunken lallend*) Schlüssu isch...

5 JEANETTE Aber d Gruebe het doch Betriebsferie!

DENISE ...oder we me irgendöpper würd kenne, wo wenigstens  
verschiedene so auti Schlüssle hätti, vilicht...

EDI (*schlaftrunken lallend*) Schlüssu...

VERA He, sit mau still! Dr Edi seit irgendöppis! – Was hesch gseit,

10 EDI? Schüssu isch... Blächbrief.... aute Briefchaschte...  
(*Tina erwacht halb, als sie Edis Stimme neben sich hört*)

JEANETTE I was fürneme Chaschte?

DENISE Imene Briefchaschte...

15 JEANETTE ...us Bläch, genau, das hani ghört tschädere, woni bi im  
Chäuer gläge...

VERA Jä, imene Briefchaschte im Steibruch?

JANA He ja klar, itz bsinni mi wider genau a das Grüscht  
nachdäm d Türe isch abgeschlosse, da hätti eigentlech o  
20 säuber chönne druf cho.....

EDI ... Fracht-brief-chaschte....

JANA Dä mues ganz nach näb dr Chäuertüre sii.

TINA Aber...,

VERA Hesch de du di ganz Zit gwüsst, wo dä Schlüssu....?!?

25 EDI Hm.....Chäuer uftah! (*und er kippt wieder in seinen Schlaf  
zurück*)

TINA Edi... (*stöhnt, und fällt auch wieder in ihren Schlaf zurück,  
gerade halb auf Edi, der seinen Arm um sie legt*)

JEANETTE (*kichernd*) Der gute Ritter Eduard!

30 DENISE Usgrächnet...!

VERA Itz müesse mir aber schleunigscht die Fläsche i Chäuer  
zrügbringe...

JANA Genau! (*sie beginnen mit einsammeln*)

VERA ...süscht gseh mir de uraut us, wenn üs öpper trifft...

35 DENISE Vor allem du, Jana.

JANA Hm..

VERA Mit *däm* Labor-Bricht wird d Polizei nid lang zuewarte, itz wo  
si wüsse, wo genau si müesse nach Droge ga sueche...

JEANETTE I so ganz normale Getränkefläschli...

DENISE Säg nüt!

5 VERA Vilicht si sie ja o scho ufe Chäuer cho, wär weiss...

JANA De müesse mir eifach schnäuer si aus die vor Polizei!

JEANETTE Schnäuer aus dr Vera ihre Vater? Kes Problem!

VERA Du gäu..., chasch ja froh si dass er di nid grad immer...

DENISE Si het's ja nid so gemeint...

10 VERA Dert isch no eini (*zeigt auf Tim, Denise zieht ihm die letzte  
fehlende Flasche aus der Umarmung heraus*)

JANA Itz aber los..

VERA U was mache mir mit *dene*?

JEANETTE Gar nüt, die verwache de vo säuber wider. Steit nüt i *däm*

15 Bricht, wie lang dass es wirkt?

DENISE Wie seit me *däm*? (*nimmt den Bericht hervor*)

JEANETTE Ke Ahnig...

JANA Mir sötte im Fau gah!

VERA Du hesch rächt, göht dir! I blibe hie für au Fäu...

20 DENISE Meinsch würklech?

VERA Weisch, we mi Vater em Änd scho im Steibruch isch, möcht i n  
ihm nid grad unbedingt begägne...!

JANA Chömet doch itze.

DENISE Jaja...

25 JEANETTE Los! (*ab*)

5.6 *HOFFENTLECH CHUNTS GUET (SONG 11)*

VERA I ha Angscht, eifach so ne liisi Angscht,  
weiss nid gnau, us welem Grund,  
nid, wohär dass es, chunnt.  
30 Bliibt gnuet Ziiit,, für z mache, was' no z mache git,  
wüu i's äbe eifach sött,  
U scho schlicht sich das Gfüeu  
dür mi Buuch, dür mis Bluet...  
Hoffentlech chunnt's, guet.

35 Mängisch, ja,, möchti eifach aus la stah,  
giengti wie ne chliini Muus

eifach hingerzi, druus.  
 I bi froh,, isch's bis itz nid schlimmer cho,  
 trotzdem merk i dütlech scho,  
 schlicht sich das Gfüeu  
 5 dür mi Buuch, dür mis Bluet...  
 Hoffentlech chunnt's, guet.

5.7 *SCHLAGZEILE*

TRIX Läck, heiter das scho gseh, he?  
 TANJA Was?

10 TINA Zeig!  
 TRIX He Vera, di Vater isch ir Zitig!  
 ISABELLA Zeig! Wo?  
 TRIX Hie  
 VERA Jaja...(wenig erfreut)

15 ISABELLA Läck momou! Wie im Krimi...  
 TRIX Gar nid gwüsst, dass di Vater o Handschäue het u so...  
 DENISE Wo isch eigentlech dr Tim?  
 ISABELLA Dä het gloub e freie Haupttag igäh für hütt  
 TANJA Kunschtstück..!

20 KATRIN Wie meinsch das?  
 TANJA Eh, lueg doch mau dert bir Trix...  
 KATRIN Was? Ir Zitig?!

ISABELLA ...hat die Polizei ein geheimes Lager mit in Cola gelöstem  
 Midazolan ausfindig gemacht...

25 EDI Ah drum Midazo-Cola!  
 TINA Genau!  
 ISABELLA ....welches als Szenengetränk verbotenerweise seit einigen  
 Monaten an Partys und in Discos im Umlauf war. Hunderte  
 von künstlich coolen Partygängern waren den  
 30 Drogenfahndern schon lange aufgefallen, allerdings konnte  
 nie irgendwo auch nur *eine* Tablette gefunden werden...

DENISE Wär suecht scho Tablette ire Fläsche..!  
 VERA Äbe, gäu..., ussert du..!  
 DENISE Hm.

35 TRIX Läck mir, itz müesst dir lose (*liest vor*)  
 '...Hauptproduzentin des Tranquilizers Dormicum, dessen

Wirksubstanz Midazolan in Midazo-Cola nachgewiesen worden  
 konnte, ist die Sims-Chemie in Brunnenwil...'

KATLE Im Tim si Père!!!  
 TANJA Genau. Tscheggsch es itze, Katle?

5 KATRIN Logo.  
 TRIX Scheisse.  
 TANJA Chämtisch *du* no i d Schuel, we di Vater uf die Art würd ir  
 Zytig...

KATRIN Sicher *nid*!  
 10 DENISE Vilicht het ne d Polizei ja o scho...  
 VERA Sicher!  
 TIMMY Tschou zäme.  
 VERA Eh, tschou.  
 ISABELLA Wie geit's?

15 TIMMY Guet, werum?  
 KATRIN Eifach...  
 TIMMY He, dir lueget ja, wie wenn irgendwie e Beärdigung wär oder  
 so..., was isch ömu o los?

EDI Nüt, nüt...  
 20 TANJA I ha gmeint, du heigisch hüt e Haupttag gnoh...  
 TIMMY Ig? Sicher nid, die spar i, demit i de im Summer e knappi  
 Wuche früecher cha ga surfe..., u dir dörfst de das doofe  
 Schulfescht-Züg zämeruume...

KATRIN Jä aber, wo bisch de gsi hüt di erschte zweh Stung?  
 25 TIMMY (*schaut sich um*) Du säg emau, isch das eigentlech es Verhör  
 oder was?

TRIX Mir hei nume dänkt, wäge däm da hie... (*zeigt ihm die  
 Zeitung*)

TIMMY Hä? Wäg däm? Geit's euch no?  
 30 KATRIN Ja, üs scho, aber wie geit's dim Vater u so...  
 TIMMY Mim Vater? Däm geit's bländend, so Züg chratzt dä grad gar  
 nüt, das wär de no!

TANJA Hä?  
 TIMMY Dä het die Gschicht sim Aawalt übergäh..., es Nasewasser...!

35 VERA Ja, aber immerhin het d Polizei scho lang nach dene Droge  
 gsuecht...



TIMMY Het irgendöpper gseit, *mi* Vater heigi illegal Droge verchouft?  
 DENISE Ehhhhh...  
 TIMMY ...dä hätti drum de grad es Verfahre am Hals, und so zimlech gar ke Chance, Rächt z übercho...  
 5 JEANETTE Jä aber...  
 TIMMY Mi Vater, dä het Fabrik wo *Medikamänt* härstellt, *Medizin*, – demit's chranke Lüt wider besser geit, verstöht dir? Und usserdäm bietet mi Vater im Gägesatz zu angere, wo im billigere Ussland prduziere, über tusig Lüt e Job a...  
 10 JEANETTE ...zum gliiche Lohn wie im Ussland...  
 TIMMY Was hesch gseit?  
 JEANETTE Nüt nüt..  
 TIMMY Nenei, da müesst dir überhoubt ke Angscht ha, söttig lächerlechi Gschichtli erläbt mi Vater fasch jede Tag, das chratzt dä würklech afe nümme...  
 15 VERA Di offebar o nid...  
 TIMMY Nei sicher nid, werum o? Mi Vater het nämlech ke Modazo-Cola härgestellt, muesch wüsse, ke Tropf, u das isch zimli liecht z bewiise. Aber die Type (*tippt auf die Zeitung*), wo so öppis Fieses mache, u de das Getränk eifach so verchoufe, ohni dass d Lüt wüsse, was drinn isch, die chöme itz dra, u das isch richtig so. Muesch nume scho mau luege, wie die usgseh..., dene gseht me doch scho vo witem a, dass...  
 20 JANA Aha. (*nickt überdeutlich: das kennt sie ja selbst..!*)  
 25 TIMMY Äbe.

5.8 *USGRÄNZT / ES ISCH NÜÜT GSI (SONG 12)*

ALLE Usgränzt hei die das Problem, und nume, usgränzt si gwüssi Mönsche genähm. Es wird Usgränzt, denn isch's eifach nüm, usgränzt heisst wägg, u scho isch aus nüm so schlimm. Es isch nüt gsi, wo wichtig wär gsi, es isch nüt gsi, wo nid richtig wär gsi. Si hei's Usgränzt, und itz ggesch's eifach nüm, usgränzt tönt guet und isch haut cheibe bequem,  
 35 (*abwechselnd stellen die Solistinnen ihre Fragen und bewegen sich dabei mit ihren Mikrofonen durchs Publikum, halten evtl. Das Mik auch mal jemandem überraschend zur Antwort hin*)

ISABELLA Wie geit's dr Jana ächt itze?  
 TRIX Wie isch's em Zbinde Timmy würklech z'muet?  
 VERA Wird d Tanja ohni Tablette schwitze?  
 JEANETTE Chunnt's zwüsche Tina und em Edi guet?  
 5 TRIX Das si zwar nume Figure,  
 JANA Niemer trinkt würklech oder schlückt so Chemie.  
 JEANETTE Aber kennt d Realität so Nature?  
 VERA Müesst aus no viu schlimmer oder besser si?,  
 10 ALLE Usgränzt, uf en juristischi Frag so wird, usgränzt, und zwar jede Tag, Es isch nüt gsi, wo di interessiert, usgränze muesch, u scho isch nüt meh passiert..! Usgränzt! Ja, das isch nid schwär, u scho isch, nüt gsi, wo z bewiise wär, Usgränzt si gwüssni Sache genähm, usgränzt tönt guet und isch haut cheibe bequem,

SOLO BASS STRINGS & HANDCLAP,

20 ALLE Usgränzt, uf en juristischi Frag so wird, usgränzt, und zwar jede Tag Es isch nüt gsi, wo di interessiert, usgränze muesch, u scho isch nüt meh passiert..!  
 25 ISABELLA Het dir das Theaterli gfaue?  
 TRIX Was dänksch du würklech punkto Usländerfrag?  
 ISABELLA Chasch du nume Landslüt vertraue?  
 JEANETTE Si für di frömdi Gedanke e Plag?  
 30 TRIX Fingsch du vo dir, du sigsch offe?  
 JANA Hättis für armi Cheibe Platz a dim Tisch?  
 EDI Hei di so Gschichte scho betroffe?  
 JANA Hesch's säuber erläbt, wie's so am Rand usse isch?  
 35 ALLE Usgränzt hei die das Problem und nume usgränzt si gwüssi Mönsche genähm. Es wird usgränzt, denn isch's eifach nüm, usgränzt heisst wägg, u scho isch aus nüm so schlimm.... Usgränzt, uf en juristischi Frag,

so wird, usgränzt, und zwar jede Tag,  
 Es isch nüt gsi, wo di interessiert  
 usgränze muesch, u scho isch nüt meh passiert.

5 **ENDE**

5.9 *USGRÄNZT-REPRISE (SONG 13)*

ALLE Usgränzt hei mir das Problem,  
 und nume usgränzt si gwüssi Mönsche genähm.

10 Es wird usgränzt uf en juristische Frag,  
 so wird geng usgränzt, und zwar jede Taaag.

	<b>0 PROLOG IN DER ZEHN-UHR-PAUSE</b> .....	<b>1</b>
	0.1 <i>INTRO DER BAND (SONG 01)</i> .....	1
	0.2 <i>JUGENDGRUPPE</i> .....	1
	0.3 <i>AUSSENSEITERIN</i> .....	2
	<b>1 AKT I</b> .....	<b>4</b>
	1.1 <i>PARTY-PLANUNG</i> .....	4
5	1.2 <i>MUTPROBE</i> .....	7
	1.3 <i>EINVERSTANDEN</i> .....	8
	1.4 <i>MUESCH VERSTAH (SONG 02)</i> .....	9
	<b>2 AKT II</b> .....	<b>9</b>
	2.1 <i>ENTFÜHRUNG</i> .....	9
	2.2 <i>AUTOFAHRT (HS)</i> .....	13
10	2.3 <i>IM STEINBRUCH</i> .....	13
	2.4 <i>TÜRE WIRD GESCHLOSSEN (HS)</i> .....	15
	2.5 <i>MEINUNGEN</i> .....	15
	2.6 <i>ALLEIN IM KELLER</i> .....	20
	<b>3 AKT III</b> .....	<b>21</b>
	3.1 <i>WO BLEIBT JANA? (BEI ISA)</i> .....	21
15	3.2 <i>WO BLEIBT JANA? (BEI TINA)</i> .....	22
	3.3 <i>WO BLEIBT JANA? (BEI TRIX DRAUSSEN)</i> .....	22
	3.4 <i>DURST/BEFREIUNG (M)</i> .....	24
	3.5 <i>BETRIEBSFERIEN</i> .....	24
	3.6 <i>WAS ISCH ÄCHT PASSIERT? (SONG 03)</i> .....	25
20	3.7 <i>ERLÖSUNG (M) / (HS)</i> .....	26
	3.8 <i>MIDAZO-COLA WIRKT AUF JANA (M)</i> .....	26
	3.9 <i>VERMISSTMELDUNGEN AM RADIO (HS)</i> .....	26
	3.10 <i>TIMS BRUDER FRAGT NACH (M)</i> .....	27
	3.11 <i>NACH DER JUGI</i> .....	28
25	3.12 <i>WENN I 'S NUME CHÖNNT SÄGE (SONG 04)</i> .....	29
	3.13 <i>ENTDECKUNG IM KELLER: OFFEN!</i> .....	30
	3.14 <i>PAUSENMUSIK (SONG 05)</i> .....	32
	<b>4 AKT IV</b> .....	<b>32</b>
	4.1 <i>PASUENMUSIK (SONG 06)</i> .....	32
	4.2 <i>AM MORGEN FREUT SICH JANA</i> .....	32
30	4.3 <i>JEANNETTE FRAGT NACH</i> .....	34
	4.4 <i>TRIX' WUT</i> .....	35
	4.5 <i>ES FESCHT (SONG 07)</i> .....	40
	4.6 <i>NIMMT JANA TABLETTEN?</i> .....	40
	4.7 <i>JANA ERZÄHLT DENISE</i> .....	43
35	4.8 <i>WERUM GLOUBT MIR NIEMER (SONG 08)</i> .....	45
	4.9 <i>TANJAS TABLETTEN</i> .....	45
	4.10 <i>TABLETTLI (SONG 09)</i> .....	47

---

	4.11	ENTDECKUNG IM KELLER.....	48
	4.12	VERDACHT.....	52
	<b>5</b>	<b>AKT V .....</b>	<b>55</b>
	5.1	INTERMEZZO (SONG 10).....	55
	5.2	DIE PARTY.....	55
5	5.3	DER DRINK WIRKT .....	56
	5.4	CHEMISCHE ANALYSE.....	59
	5.5	FLASCHEN ENTSORGEN.....	60
	5.6	HOFFENTLECH CHUNTS GUET (SONG 11) .....	62
	5.7	SCHLAGZEILE.....	63
10	5.8	USGRÄNZT / Es ISCH NÜÜT GSII (SONG 12) .....	65
	5.9	USGRÄNZT-REPRISE (SONG 13).....	67